

溫
州
經
籍
志

溫州經籍志卷九

瑞安 孫詒讓 編

史部

傳記類

明

劉氏 濬 孔顏孟三氏誌

六卷 四庫全書總目五十九

未見

四庫全書總目五十九孔顏孟三氏誌六卷 兩江總督採進本 明劉濬編濬永

嘉人成化中官鄒縣教諭鄒孟子所生地孟廟在焉濬因考證孔顏孟

三氏世系以及褒崇諸典彙輯成書先以地圖次以世系年譜次以廟

制次以誌事附述聖於卷後而前列提綱一卷則王子四月紫陽楊奐

所述東遊記也王子爲元憲宗二年而瘞於王子下注云元憲宗瀋祐十二年紀年旣誤而又以宋理宗年號移之於元殊爲疏舛卽此一端其他可概見矣

萬厯溫州府志十九景泰庚午舉人劉濬永嘉人任教諭

右聖賢

宋

戴氏 榜 東坡陽羨譜 失名少卿
戴公行狀

佚

失名宋故朝請大夫直煥章閣主贊冲佑觀永嘉開國男少卿戴公行狀公諱榜字敬忠文端家子天才穎拔博覽傳記嚮達本朝舊典文端愛其稱悟凡春秋大旨當世要務必劬詔之故公聞見深卓以文端恩補承務郎監龍山稅丁文端憂免喪宰宜興秩滿差建康府諸軍糧料

院兼本幹辦公事差行在諸軍審計司監三省門除太府寺丞知高郵
軍踰年除戶部郎官總領淮西錢糧就陞太府少卿除煥章閣主管紹
興府鴻禧觀差知婺州再食沖佑之祿淳祐癸卯五月卒年六十有二
公性夷平乏岸谷與人交能受盡言公暇日又閱北盟會編病其煩舛
欲刪正成書未遂而卒又以周益公譜坡仙陽羨事未翔實在宜興訪
故老別具譜今板置縣齋

永嘉戴氏錄本

案戴少卿柄文端公谿子舊府縣志無傳所譜東坡陽羨事亦
未著錄今據戴氏所錄行狀補入東坡元豐八年改汝州團練
副使上書請居常州報可後建中靖國元年自僇耳還卒于常
事詳宋史三百三十八本傳及史能之咸淳毘陵志十八敬忠
嘉定十一年四月以承事郎知宜興

見咸淳毘陵志十

故爲譜其事板

置縣齋也

戴氏

家傳

東嘉先哲錄五

佚

案戴守鏞家傳舊府縣志未箸錄惟東嘉先哲錄戴鹽運蒙下引之其紀鹽運初假閤門舍人戴勲牒更名埜應國子試中第後復舊名應鄉舉事始末甚詳蓋其書明時尙存也

王氏

奕

武侯遺事

萬縣溫州府志十七

佚

元

林氏

萬里

馬元帥救荒事實

袁柄清容居士集五十

佚

袁柄書後司獄永嘉林君萬里彙次元帥馬公救荒事實一鉅編俾有言嗟夫斂之法不行於今爲牧守者亦難矣因時之凶復抑其直是

則於商旅奚有望焉董煇輯救荒書至盡至美迄莫能有遵其說而行
之者病在於執一虛心以求則今馬公之政其近之矣林君之編曰台
民四十九萬有奇其粟率糴者一十四萬七千有奇糾於富家幾三萬
石有奇當是時以一郡之民能動於上聽其出粟至於一十有四萬非
身任其責所爲文書不大懇切不能至是富民遭荒抑損以售亦必有
道數盈于三萬則其便不便有不得已而然者也視瘠而坐弊仁人之
所不忍邀名以幸成夫豈仁人之用心馬公之政集眾思以爲其佐林
君之爲首奉行而不失者皆公所辟佐吏凡五人見於所行事實不復
著記禮之言曰三十年之通制國用量入以爲出馬公耆德碩望將參
預于天朝願以今之所行爲權而以經制告於廟堂焉則得矣

清容居士集五

案林司獄萬里事迹舊府縣志無攷

李氏 孝光 趙魯國公政錄 陳德承李

佚

李五峯行狀公生平著作有趙魯國公政錄魯公才美冠世逮事七朝

為國元老能以禮下公 道光樂清縣志十一

案趙魯國公趙世延也元史一百八十有傳五峯所作政錄今

無傳本舊府縣志亦未著錄今據行狀補入

明

黃氏 潮光 卓忠貞年譜 千頃堂書目十

佚

千頃堂書目十卓忠貞年譜宣德中卓敬門人黃潮光編

案黃學正潮光萬厯溫州府志文學傳嘉慶瑞安縣志文苑傳

並有傳

章氏

字應

章恭毅公年譜

一卷

千頃堂書目十〇天一
閣書目二之一作一冊

未見

鄧淮序章恭毅公既沒之十有九年予於郡城建祠肖像以祀之用表忠節以勵士風也祠成卜吉以落之時公之令子方伯將之廣藩便道歸同拜祠下且出其所作年譜示予復命識其後予自少時聞公名已起敬慕今叨守公郡公實郡之第一流而予又辱方伯公之知愛非一日其敢辭竊惟公之孤忠大節憲宗皇帝謂其如汲黯之直范鎮之忠今上皇帝又以所奏疏宣付史館大書特書本朝諸老如冢宰錢塘倪公謂其引君當道誠得伊呂之用心者內翰雲閒錢公謂其與監察御史鍾同大理寺少卿廖莊宜同一傳閣老西昌尹公謂漢汲長孺之剛直宋魯宗道之骨鯁杜祁公之正氣直節以公方之無愧今閣老西涯

李公謂其論國家大計雖身困言屈一時天下皆知有所謂名義風節
亞卿方石謝公謂論立朝大節未嘗不以公爲首稱由是觀之公之年
譜不作可也然忠節如公海內有志之士聞之者莫不興起而況於其
子乎子如方伯公以文章政事爲時所重則其於公之言行生平履歷
之詳又安得不因年而譜之以垂諸不朽乎

道光樂清縣志十一

李東陽序年譜之作蓋出於族譜家乘碑誌表狀之餘譜乘所該勢不
得以備載傳誌雖爲一人作亦舉重大而畧細微孝子慈孫門生故吏
之志有不能盡者於是因年而譜之則自生卒履歷至於言行勲績罔
不具錄而凡涉交與形著述亦附其下使後之讀者不待遠詢博攷而
展卷開睽已得其爲人紀述之書宜莫有詳焉者矣然必其人德望之
隆重功業之顯著惠澤之深厚足以關氣運繫風俗存不虛生而沒不
爲徒死者乃可言譜不然則繁文縟節惡足以爲重而必用是爲哉

懷麓堂

堂集無此一百八十四字

贈南京禮部尙書章恭毅公之卒也既有狀有誌有神道

之碑哀輓之詩其子玄應爲南京給事中時嘗自爲年譜一帙以屬於予請爲序比以陝西參政入朝復申前請予弗能讓也夫天將昌國家之運必有忠貞鯁亮之臣出爲世用以播其勲業卽不得用亦發爲謠

言正論使天理賴之以存人心恃之以不死名教立而命脈長

脈懷麓堂集作

由其進其退天下所視以爲重而況死生之際哉當景泰時顛危甫定而邦本遽搖於是有章公者以儀制郎中言復儲事坐與鍾恭愍公同下錦衣衛獄備極考訊又與廖恭愍公莊同賜杖鍾竟死廖亦遠謫而公獨在縲紲幾死者亦數矣天順初特擢爲禮部左侍郎成化中請老致仕而去方其職在一司秩不過五品開口攘臂論國家大計雖身困言屈一時天下皆知有所謂名義所謂風節以至於英祖之光復憲皇之顯紹神功聖德鏗錫炳耀於天地閒而公之身及際其盛後雖遠

處南國亦隱然爲天下重微公輩二三人則名義風節皆未可知而天下之事去矣是豈非天之有意於國家億萬載靈長之祚而然哉觀入獄之時有黃霧四塞之警屬續之夕有山頽石壞之異彼天下之人紛紛藉藉羣生而旅盡者固不得而與也書生以志其始書卒以志其終其間履歷論議患難寵榮之故皆備書而不絕茲譜也誠不可以不作也士之披覽前史見忠臣義士起敬興慕必攷其世行而求其爲人況在出本朝生近歲風聲義概之所動耳目之所擊者因是而求之豈不足爲廉貪立懦之地哉譜之作殆非爲一家計也公奏疏載國史文章著家集故譜但存其名不複錄複懷麓堂集作復庶他日得以互見云公諱綸字大經溫之樂清人正統己未進士懷麓堂集至此止無以下二十五字名應成化乙未進士以才行世其家少子冬會今爲太僕寺主簿歐乘補十七千頃堂書目十章恭毅公年譜一卷章綸子南京工科給事中冬應編

天一閣書目二之一章恭毅年譜一冊刊本明成化南京禮部侍郎樂清

章綸大經氏生卒攷子冬應述宏治己未長沙李東陽序

案曼亭章布政冬應恭毅公綸子明史一百六十二附章綸傳

萬歷溫州府志宦業傳雍正浙江通志道光樂清縣志名臣傳

並有傳

章氏忠孔忠愛遺情錄道光樂清縣志十一

未見

侯一元章千峯墓表生宗孔其行廉直詩清峭庶幾不媿先生者道光樂清

縣志十六

曾唯東甌詩存二十五章宗孔號來源冬梅子

章氏希邁闡德編

一卷道光樂清縣志十一

未見

道光樂清縣志十一闡德編一卷章希邁錄希邁爲元梅曾孫是書專述元梅官湖口治績始名忠愛遺情錄乃元梅子宗孔所述希邁益以侯一元墓表文及舊藏家書五則易今名

案章希邁湖口知縣子梅曾孫其事跡府縣志無攷

張氏

汝紀

張文忠世家

卷

存永嘉張氏
重刊本

李光縉序當肅皇帝踐祚之初相君張文忠公者其中興之佐而名世之臣也人但知公議禮之合而不察其執禮之正鮮不以爲近於阿人但知公取相之易而不察其居相之艱鮮不以爲疑於驟夫孰知公之所以合而非阿驟而非易也當是時上有欲尊崇興獻帝后之心而公

獨持其繼統非繼嗣之論在廷之臣所以嘖嘖而與公辨直以公之言弗爲敬皇帝地耳非昭聖太后所以擁上意也若非主上深信其諸不誦公之說而謬公之旨及夫升祔大饗之議起向之諸臣所爲與公辨者或默然而無言又或靡然而慙慙而公乃深明其然以爲帝而考之可帝而宗之則不可其所爭於全統半統之間疑若與繼統之論相矛盾而禮實相成於帝心不無順拂雖其後竟亦不知從而當日沮於其說之正持於其執之堅且不得不少輟而姑待也張昌侯之獄帝有成心矣雖延齡有殺人之罪亦有所不憚於昭聖太后之故令公而不有危言感動其閒謂昭聖何謂四海臣民罪公之言禮何公是以惓惓以昭聖之春秋高爲言寧以言觸帝之怒而終不令有殺前朝國舅之名寧以身蒙帝之譴而終不使有傷昭聖太后之心至帝出重語以易止公竟持論不已後乃感悟降心以聽悉緩諸當論者終公於太后之世

延齡得長繫不死公之力也公唯有深明於大一統之義故始終以全統之說進有所排眾紛而伸之不爲阿有所詆眾諛而阻之不爲忤又有所曲全而庇之不爲私夫然後天下臣民不但有以諒公之心而且怡然釋喙於公當日之議其若不爲孝宗昭聖地者乃其深爲孝宗昭聖地者也公爲相多所興革建明帝亦多聽之以中涓鎮守之官歷二三朝所不能革公一請而收之如逐腐鼠其行政不爲不專受上倚毗不爲不篤獨考而不宗之請天子終忤而不合然亦公沒後而復行之論者謂公在難乎免矣嗟乎公所正者統所持者禮耳何知禍福何知榮辱茲其所謂名世之臣哉天子大尊顯公賜第宅里中又爲之建寶綸樓以臧御札皆前後相臣所未有然公歸亦貧甚公子之家不踰中人產舍不有賜宅以居公廳事旋馬何如哉公之孫二千石太衡君輯公行事自國史傳而下以及墓銘傳記之屬彙爲一篇名曰世家按史

記帝王稱紀將相文臣稱世家公中興賢相也故以世家稱焉光緒入

甌太衡君命使序之因僭附於卷後

甌乘補十七

東甌詩存二十四張汝紀字仲理號太衡孚敬孫

案張太衡汝紀文忠公孚敬孫太僕丞遜業次子凡文忠所著書並其所刊行明槧諭對錄卷首附刊職名太衡繫銜爲四川龍安府知府前刑部廣東清吏司郎中後不知終於何官也

無名氏東甌繼武編

一卷

謝啟昆廣西通志二百十

未見

廣西通志二百十注曰存

劉康祉序國家之設州郡凡以爲民也而郡之有牧總羣生之命脈胥橐籥焉唯是興利除害爲萬姓計奠安則民之切於愛戴者視百年如一日蓋善政久而彌光民心彌遠而彌不忘也旭巖何公以靈慧之資

豪宕之才飾爲吏治禾易有以更僕者初在郎署中酌泉貨於權衡而
籌無遺筭聲稱藉甚及捧檄而東也凡所劈畫拊循所爲御變御常罔
不斤斤可式舉民生國計若燭照而已試然當甲寅乙卯之祲吾甌民
內外囂然設非公紓徐決策俾夫家給人足時事可勝言哉夫何時以
觀行至爲讒言所中乃以離政移去百姓擔簠裹糧赴愬司道謀爲詣
闕訟冤者不下數千人至今讀慨惻一疏令人悵然未幾而箕斐者尋
與汨羅長往百姓不忍忘公於旣去之後也家戶戶祝相與卜地庀材
於衛治之東肖爲像以奉之且祝公多福多壽若華封交口者然遂歌
巷舞率萬口無異迨於今復謀付之剗剔以示不朽視前時東園淇竹
公時民情之眷戴於旣去者更切噫是可以覩公當時之政矣夫公以
弱冠登壇與其仲公先後蜚聲禮部才名彪炳已足震懾一時公在甌
爲民望所歸而仲之令臨城其鄉也赫然聲稱溢於遐邇得非家傳世

學業有真修而措之文章事業難兄難弟又得非西粵之山川靈秀毓於金昆玉季將爲天下國家造無疆之福豈僅僅一郡邑小哉棠棣之碑馳聲洛下而小秦大秦不得專美於昔矣是則百姓之爲公計者正欲垂之於千百禩之下俾千百禩之人仰盛德而廩思猶得晉耿光於簡編也不其偉哉行將勒之史冊以慰吾聖天子重民牧之念不佞嘗閱漢史有何武者百姓爲之去思不置蓋公先世之著績者然爰以繼武名篇庶幾前後炳耀云

廣西通志二百十

廣西通志二百十謹按是編乃何廷相守東甌時有惠政民誌遺愛而作也廷相富川人萬厯丁未進士

李氏

維模

林氏

增志

忠貞錄

三卷附錄一卷

四庫全書總目五十七

存

四庫全書總目五十七忠貞錄三卷附錄一卷

江蘇巡撫
採進本

明李維樾林

增志同編維樾字蔭昌增志字可任俱吉州安福人

按二人並瑞安人
總目云安福人殊

誤是編爲其同里卓敬而作卷一爲遺稿凡詩十九首序二首誌銘一

首而冠以像贊及遺稿序卷二卷三爲後人記載題詠詩文而附錄黃
養正陳茂烈二傳皆敬鄉人也然養正爲敬門人又死於土木之難其
附錄爲宜茂烈於敬別無淵源而又以棄官養母終於鄉里其事截然
不類附之忠貞錄中名實舛矣敬非惟死節慷慨震耀千古卽於乘燕
王來朝之時密請乘其不意徙封之於南昌計亦良善其疏雖無完本
然劉球所作傳中尙載其略不錄之於遺稿中亦編次之疏也敬在明
初不以詩名而所作落落有氣格如五言之小舟衝浪出幽鳥背人飛
七言之白雲忽去山在戶紅日乍晴人倚欄絕句晚眺云浣花溪上雙
楠木老杜草堂生夏寒門外青山三十六讀書終日倚欄杆題山水云

長松雨過秋聲滿日日攜琴自往回安得扁舟乘晚興載將山色過江
來栽梅云風流東閣題詩客瀟灑西湖處士家雪冷江深無夢到自鋤
明月種梅花案張端義貴耳集中載杜小山詩惆悵後庭風味別自鋤明月種梅花卓詩蓋用其句亦皆有致惜
其所傳不多不能自爲一集故仍從崔與之集例入之傳記類焉

案林詹事增志乾隆溫州府志嘉慶瑞安縣志循吏傳並有傳

劉氏士燾報國錄

一卷李象坤第菴集選

未見

李象坤書後遜國忠臣吾甌惟卓忠貞爲最著東湖樵夫則台人爭欲
得之疑案未釋也編修劉公諱現永嘉人其大節見於革除遺事秀水
屠公叔方輯建文彙編次公名第四焉乃郡史書弗載詢之故老幾同
舉漢魏以上事某獲交公之後人受韜君一夕偶譚往軼取彙編讀之

至公名韜兄燧然曰此吾祖也因出宗譜閱之僅載其服官始末遺文雲露集可盈尺覓其感時涕零句竟楮無有也則相與手殘帙揮淚慟哭蓋公旣歿方黃之獄未息其伯氏觀爲楊東里諸人所器而楊金舊與公同事稱厚善哀梓公文盡削去其觚棱之作以亟亟全公氏族孰知公之名反以是掩哉遺像在幅前冰澄玉立肅衣瞻禮如拜岳鄂王墳廟顧松檜皆霜色韜兄輯報國錄珍諸笥中壬午韜兄舉於鄉而屠公長君弘胤適與同譜某緣是竊嘆節義之氣菌蒸蘭茂未始孤植也明年韜兄遽溘逝又明年遭罹國變感痛時事向其嗣君索是稿鐫之昔賢之姓氏沈埋於蝨簡蟬編中必欲多方攷據以顯其蹟矧當吾世躬親其人哉乃更有灼爍於時顧使人凜怯如不欲聞恐一入目則終身難化以卽於涼德則又奚以解也嗟乎節義亦何負於人也今天子中興首政尊隆惠宗廟號其一時殉節諸臣靡弗褒錄距建文二百四

十二年而論卒定於公者可以不朽矣卽受韜君修文地下亦可含毫而粲然矣崇禎甲申長至日同郡後學李某識

荆菴集選

乾隆溫州府志十九明舉人崇禎壬午劉士焜永嘉人閉戶著書時人重其學行

東甌詩存三十劉士焜字受弢永嘉人崇禎壬午舉人

國朝

李氏

象坤

林侍宸傳記

荆菴集選

佚

自序帝王侈志神仙寵幸方士幾幾乎失天下類以秦皇漢武並稱二君實皆蓋世姿視區區宇內不足竟其雄心遂遠而求諸蓬瀛弱水併吞六諸侯遣兩將軍橫行絕塞與訪求神仙同一旨也宣和一庸主耳媿翰墨古器嗜花石樂臺苑如一富貴家韻子弟而寵幸林歲昌位壓

兩府史稱每建大齋醮靈素升高正坐帝設幄其側其徒秩郎大夫十等擬殿閣美衣玉食幾二萬人何爲者耶乃當日亦無禪云亭游浮海若之豪舉僅僅改天下宮觀建壇授籙已耳卽其好神仙亦了不易庸主規模而靖康之禍埒諸望夷俱再傳而及旨哉帝王自有萬世不易之經棄經常習方伎丹砂定以裂軀靈壇定以屋社輕信禍輕重信禍重千輪一轍也然靈素當日亦祇以小術對付庸主不逮徐福煉汞房利諸人之荒誕奔走羣望駭天下而繹騷之次亦不聞進烹鉛煉汞房中嫚褻之術而稽首元祐黨碑遭巨憝嗾逐奉身勇退卽其受嗾爲建議遷都亦似預識有北轅之釁者素卽非眞仙自是哲幾之士予故列而論之以國史郡乘爲正傳他謬爲外傳其條載諸書者輯爲遺事統名曰林侍宸傳記夫豈日傳其人哉

集選

案綉菴李歲貢象坤乾隆溫州府志道光樂清縣志文苑傳並

有傳

徐氏

炯文

王忠文年譜

一卷

咸豐樂清縣志十一

存

梅谿文集附刊本

案徐翔雲梅谿年譜附刻唐傳牲重編梅谿集之首其書首尾僅五葉止據宋史本傳及汪玉山所作墓誌按年排次閒及集中詩文歲月然殊疏略不足資攷覈也

林氏

大椿

劉蒙川年譜

一卷

蒙川遺稿卷首

存

蒙川遺稿附印本

案恆軒林先生大椿樂清人篤學工詩與家大人善道光閒樂清修志其摻采之力爲多婁試不得舉以歲貢終其著述多未

究惟詩二集門人梓行之咸豐丁巳樂清劉氏以聚珍板重印
蒙川洪先生任校勘之役乃次忠肅遺事爲譜俾附印以行
其攷忠肅率太學生上書論陳垓蔡榮爲淳祐十一年事在上
書攻丁大全之前以訂宋史本傳之誤攷證頗爲精核惟中興
館閣續錄九載忠肅咸淳二年三月以太學博士召試館職四
月除正字三年正月以正字除校書郎遺稿四林道初墓誌作
於二年十月亦自題國子正字劉某與館閣續錄正合此譜誤
以除正字繫之三年則失之不敢謹附訂之俾攷忠肅遺事者
有所稽焉

右名人

宋

何氏 絃 蒲陽人物志

三卷

直齋書錄解題七文
獻通攷一百九十九

佚

直齋書錄解題七
莆陽人物志三卷
知興化軍永嘉林紘文伯撰以圖志不敘人物故特爲是編
莆壤地褊小而人物特盛

郝玉麟福建通志三十
興化府名宦何紘字文伯永嘉人慶元二年知軍事才敏給爲政審先後奴隸走卒各得其所嘗作人物志創平潭橋新桂籍堂

萬厓溫州府志十
宋進士紹興庚辰梁克家榜何紘永嘉人興化守

案何紘書錄解題作林紘
文獻通攷引同
福建通志作何紘與府縣志合陳錄蓋字誤

薛氏

疑之

伊洛源流譜

俞文豹吹劍錄外集

佚

吹劍錄外集永嘉王成先生薛季常疑之作伊洛源流譜自孔子子思
顏曾孟子至濂溪周子以下凡九十餘傳慶元開書始成而學禁正嚴
攻媿先生題其端曰趙元鎮相業甚偉其學不無所傳授夫豈知自盛
行之際而乃翻謗撰造出奇見新自附於朱文公門人之列案趙元鎮
也忠簡在相位以表章程學爲已任遂有託程門弟子以求進者事見
李心傳道命錄攻媿云朱文公必是字誤朱與樓同時在趙後遠甚攻
媿不宜欺愚後輩以資干祿釣名者之具不然何張宣公薛常州季宣
不辨也呂成公講解語錄書坊中寂不見耶蓋王成以吾道方屯恐數十年後
老成彫喪後生小子不知根柢耳濡目染日變而不復還故作此書案
攻媿集不水心挽之曰乾坤未放虛空壞蠻貊猶須事業成 永嘉王
藏此序成薛先生曰先覺之士如周子二程子張橫渠楊謝游胡晦菴南軒皆
於學道之初出入老釋百氏然後有所覺也

林景熙二薛先生文集序薛氏世學蓋三百年最後王成公學於慈湖

楊敬仲刊華據實程門緒餘偽學禁興隻手衛道著伊洛源流各爲譜傳書成而更化主人之類不爲夷狄禽獸吾道力也稽山集五

案玉成薛先生凝之萬厯温州府志義行傳乾隆平陽縣志孝友傳並有傳其名吹劒錄外集作疑之與府縣志不同未知孰是平陽縣志理學傳別載薛玉成據霽山集爲傳蓋誤以玉成爲別一人雍正浙江通志經籍門又別載伊洛淵源引南雁蕩志彥時孫玉成著尤謬今據吹劒錄外集攷正之

蔡氏適名臣事纂

九卷宋史藝文志六

佚

元

葉氏葵廉洛宗派

溫州經籍志

卷九

六卷 忠貞錄一

佚

逸民傳 忠貞錄一

佚

卓敬葉繼道先生墓誌銘晚又作逸民傳未就而公已捐賓客矣 忠貞錄一

明

方氏 總學 兩浙人物志 清穎一源集二

佚

王氏 朝佐 東嘉先哲錄

二十卷 明史藝文志二千頃堂書目

存 翰林院儀明刊本遜學齋藏景明鈔本

先儒程正叔嘗曰周公沒百世無善治孟軻死于載無真儒然軻亦有

云古之人窮則獨善其身達則兼善天下卽是以觀則善治固眞儒分
內事耳使之得時以行其志鎮定調齊精采所注而治效自別否則亦
足以立懦敦薄而馨風遠被不徒汨沒無聞而已也然所以爲眞儒者
厥究維何孔子曰志於道蓋道命於天性於人而殊途於事物志矣而
自得焉則蘊之爲德行措之爲事業發之爲文章激之揚之爲氣節忠
義隨厥所施而無不善是則所謂眞儒也吾溫舊名東嘉負山而瀕海
清淑所鍾人物之生其來尙矣晉唐以前志載無攷迨乎有宋氣化特
盛若王儒志倡明道學於伊洛未作之先林塘奧講明春秋於王氏新
學之際厥後眞儒彬彬輩出或以道學顯或以功業著或以文章鳴或
以氣節忠義見炳然粹然瑩無瑕類其氣象何如耶使上有如是之君
下皆如是之臣尙何善治之不可復哉特以所遇之時所處之地不同
故所就亦不同而其道未始不同也諸公之出處大節載籍之中閒見

迭出在在可稽然散而不屬雜而弗著鄉之後學罔繇詳攷率莫自知吾溫人物若此其盛亦將何所觀感而興起哉譬則鄧林之木大盈之積人皆知其爲材且寶矣使散而置之抑孰知其爲一方一庫之所產所有而駭異之耶今南京虞部員外郎平陽王君廷望慨然嘆曰誦其詩讀其書論其世吾儒事也況生長其地見聞所逮者乎乃於公務之暇窮搜遍閱經書子史傳記集錄所述言行若論斷許可之辭足爲後學矜式者彙次哀輯萃爲一編名之曰東嘉先哲錄旣自爲首引捐俸鏤梓與學者共之矣以敷亦郡人也復命贊一言於末簡敦觀其采擇審證據明品藻當散者以集襍者以純不費辭說而一郡儒先之行實森然在目其立志也高其用心也勤矣詩云高山仰止景行行止廷望君之謂也顧敦無似於道罔聞知然景仰先哲竊亦有志未能而願學者因不揣謹書以自幸云正德元年歲在丙寅季冬初吉賜進士出身

承德郎南京吏部文選司主事後學瑞安季敷拜書

士生斯世常患乎不多聞多聞常患乎汎濫而無所依歸也晉阮瞻作無鬼論梁通事舍人作文心雕龍用心苦矣然去道已遠而於世何所關乎誠使反其心而用之大可以羽翼經傳續諸已往小可以紀載事物昭示無窮而乃爾忽其所重而用心於所輕舍其切於已者而徇夫爲諸人者是可惜也南京虞部員外郎王君廷望有志於明斯道公暇輒蒐輯溫之昔今名公儒碩德望功業與夫節行文學之足以垂世者彙成一錄爲卷二十首之以先達次之以名儒曰名臣曰忠臣曰孝子居其中而氣節詞章終焉題目東嘉先哲錄一郡之文獻於此焉足徵矣閒辱以示賜賜深嘉君之用心不苟而又以慶夫是邦之賢人君子有所遇也君天資迴絕博聞強識自其弱冠時吾郡王憲副資博已稱爲天下士不置筮仕以來又能清白一心無負厥職其取重於公卿而

見推於士夫有由然矣是錄也直其仕優之一耳然於此可以見山川之靈秀焉可以見風俗之淳美焉可以見斯文之元氣一脈未嘗斷絕焉而東嘉之先哲所賴不朽者寔在於此視彼泛用其心者果孰得而孰失哉昔人謂夷齊雖賢得夫子而名益彰王君願學夫子者也諸先哲之目有不瞑於泉下乎雖然王君之志懼斯文之泯也固非以求是於當時也而陽獨云云者亦秉彝好德之誠觸於所見而不可遏云正德丁卯春正月旣望樂安鄒陽書於南京之翰林院

四庫全書總目六十一東嘉先哲錄二十卷

浙江鮑士恭家藏本

明王朝佐撰朝

佐字廷望浙江平陽人宏治丙辰進士官南京工部員外郎是編刻於正德初蒐輯溫州先賢事寔分類凡八曰先達曰程子門人曰朱子門人曰名儒曰名臣曰孝子曰氣節曰詞章晉唐以來紀載無攷故所錄託始於宋焉

案王員外朝佐雍正浙江通志乾隆溫州府志乾隆平陽縣志
 介節傳並有傳明史藝文志二作王佐誤也東嘉先哲錄二十
 卷世閒傳帙頗少余家所藏者從翰林院所儲明刊本影寫每
 卷皆有標題卷一先達三人王儒志開林塘與石蔡八行元卷
 二程子門人五人周博士己劉起居安劉侍郎上鮑敬亭若沈
 先生躬卷三程子門人七人許忠簡景陳先生正陳迪功邦謝
 先生天潘先生易戴臨江述趙尚書霄附楊氏門人一人宋
 尚書才卷四朱子門人四人葉祕書味陳潛室垣徐先生寓徐
 先生容卷五朱子門人九人林龍圖湜蔡先生愚沈先生欄錢
 先生禾曹文肅叔戴鹽運蒙黃先生子蔣先生叔附張氏門人
 一人周郡倅去卷六名儒二人薛常州季鄭龍圖伯卷七名儒
 二人陳文節良蔡文懿幼學卷八名儒二人葉文定適戴文端溪

卷九名儒六人張監獄清陳祕書飛薛恭翼叔林婺州拱徐潮

州定葉先生仲卷十名儒十四人朱先生黼徐教授元王東巖

與錢少卿文姜教授平陳先生季黃先生炎呂先生圭薛先生

據章先生堯史先生璿徐教授祖張學正謙朱學正謚卷十一

名臣二人王忠文朋王存後半此卷明本缺二策王氏事跡僅

卷十二名臣四人陳侍郎楨薛起居言張忠簡闡吳尙書臣卷

十三名臣三人婁察院亮徐忠文誼蔡知閣勝卷十四名臣三

人周侍郎端林樞密略劉參政徽卷十五名臣四人曹文恭園

周蒼巖元章恭毅綸韓運使偉存此卷尾缺數策目亦不卷十

六忠臣八人據存者數之二策薛良顯標目存潘進士方侯節

毅昌徐正將臻桂鎮撫完彭忠懸庭張鼎標目在缺周樞密

誠卷十七忠臣五人林霽山景鄭學正機陳錄事高陳侍講達

卓侍郎敬卷十八孝子七人陳孝門倪仰孝廉析陳孝子宗周

孝子樂張孝子端張孝子正陳孝子序卷十九氣節八人陳述

江才何提刑逢顧錢塘同徐省元履徐少卿珪林進士則徐狀

元儼金上舍萬卷二十詞章十一人倪司勳濤林太常仲潘轉

菴程趙靈秀師秀徐照李祕書孝汪桐陽鼎鄭處士昂高都

事明林長史溫蘇編修衡季恥菴應總一百十人於宋元兩代

及明成弘以前魁儒碩彥幾於摛輯無遺所采載籍自正史列

傳以及地志誌狀並臚列舊文不加屏改且一一詳其出處其

體裁鼎雅在明人書中頗不易覲至所引鄉先達遺箸若戴仔

家傳章誥平陽州志徐興祖橫陽文集張謙易本義集說章恭

毅文集之類今並散佚僅藉是錄存其一二惟明槧本缺葉甚

夥王自中薛良顯張庸金九萬諸錄並殘缺不完又季序謂王

氏自爲首引而今所見本有凡例而無自序無從覘足本補正

爲可惜耳至於網羅既富踳駁亦復不免如林湜福州長溪人

晚居平陽松山見本心集十九徐定泉州晉江人寓永嘉見本心集十二呂大

圭泉州南安人此以春秋或問敘倪濤廣德軍人見宋史文苑傳六濤

父自永嘉徙廣德故或題永嘉倪濤見明史文苑傳一此錄亦

云並誤行收入於例殊不合又載王東巖箸述誤列北宋亳州

道士王與之祭鼎儀範見宋史禮志說詳辨誤雖小有疵類不害其全書

之精審也

侯氏廷訓忠孝編二谷山人集九

佚

南安道源錄二谷山人集九

佚

侯一元先歿事公行略先君所著有六禮纂要筆山小稿侯氏宗譜忠義集忠孝編泗志備遺北岳編南安道源錄及漳南志諸書而治泗治雄社倉義倉沙河學田青龍橋道上永糧圖皆有述錄

二谷山人集九

案筆山一歿事所著書十有七種舊府縣志惟六禮纂要筆山小稿泗志備遺三種已經箸錄餘並不載今據二谷集九補錄忠義集等五書其治泗治雄以下各書事略所載書名未全且皆短書瑣記無關攷證今與侯氏宗譜並置不錄附識於此以補地志之闕

蔡氏寶歷代人物志略

雍正浙江通志二百四十四作厥朝人物志署今從千頃堂書目十

六卷

千頃堂書目十

未見

明名臣錄略

乾隆平陽縣志十九作皇明名臣錄署今從千頃堂書目十

温州經籍志

卷九

二卷 千頃堂書目十

未見

應氏 德成 古今名臣言行錄 乾隆溫州府志二十七

佚

陳氏 挺 東甌鄉賢贊 清穎一源集二

佚

清穎一源集二陳挺字佳傳號筠川所著有筠川類稿及東甌鄉賢贊

鄭氏 思恭 東昆仰止錄

八卷 乾隆平陽縣志十九

未見

思恭東昆仰止錄賦繫古崑之巖嵒江滌潤于始陽萃山川之佳麗羌流峙於吾鄉孕堪輿之蓋蓋毓人文而發祥惣先後之賢哲洵玄圃之

琳琅值素王之既切辟莫之不陽非援儒而入墨卽逃墨以歸楊俾
斯理之晦蝕迄千載而不彰自蔡公之崛起倡理學於一方誠默契乎
道體掃百家之荒唐迨後賢之接踵游程朱之門牆嗣當年之盛歟湖
振古而采昌樹標的於庭幃敦孝友于一堂或象賢而善述或幹蠱以
流芳効鵠原之急難崇克讓於安常修庸行於家庭著忠義於廊廡矢
精白於敝日竭匪躬以匡勳養剛大之正氣配道義而激昂批龍鱗而
不恤蹈鼎鑊以何妨雖天性之固然由文學之輝煌黜辭章之陋習窮
理義於毫芒類花繁而錦燦埒玉立而珠藏成天地之經緯絢繡黻以
卒黃時發揮于政事展經綸于撐腸訏謨建于上國化理効于列邦勒
旂常之駿烈遺尸祝之庚桑著中外之碩畫同金甌於不亡庶文學之
不虛託豎立以闡揚樹清正之雅操若蘭馨而蕙香葆太白而不淄杜
曲徑以自防嚴取予于一介辨義利于微茫紛內美而藻雪遵由庚以

趨踰薄高誼于雲日利萬物而包荒周里閭之緩急恆指困而發倉揮
千金而不顧同河潤之汪洋幸遘遇而顯庸作清廟之圭璋時邈世而
隱逸樂泌水以相羊可攤書於洞裏可著足於崑傍貽道術于後昆標
節槩于無疆庶廉頑而立懦豈沮溺之雁行槩諸賢之懿範若綱舉而
目張曾思理之一貫由淵泉而濫觴隨所寓而著名非彼短而此長嗟
余年之方奢徒玩愒于詞章失景行于往喆苦迷津而無梁倣堊史之
末議借秉燭之餘光涉載籍而博討標先賢于縹囊附祖父于末簡冀
紹明于不忘媿管窺而蠡測族取材于大方冀仰止乎百世俾終焉以
允臧重曰惟混茫之初闢兮合萬彙而生焉獨人心之予覺兮實眾妙
之淵源自斯文之既喪兮悼吾道之不傳覩先正之濟美兮慶吾鄉之
多賢窮性命以砥行兮揭斯理于中天考文獻與會畧兮或僅錄其詩
篇余獨詳其懿行兮纂仰止之遺編方鴻寶于枕中兮効作則于韋弦

吾不知老之將至兮斯補過于無饜庶旣夕之把玩兮恍諸賢之參前

倘無忝于古人兮日孜孜以勉旃聽韶華之荏苒兮聊優游以窮年

平陽縣志十九

案鄭太和箸東昆仰止錄以紀平陽一邑文獻其書乾隆間尙

存張南英修平陽志多據其書

見平陽志凡例

今則不知存佚平陽志

經籍門載太和自作賦一篇編纂體例尙見大略今亦附錄之

昉經義攷一百八十一劉易春秋經解下載韓琦詩例也

並生錄

慎江文徵三十八

未見

自序並生錄者錄並余而生者也耳目所及幾於百年偶以同文並生
茲土余得而錄之凡四十又九人科名顯晦勿論也夫人受天地之氣
以生百年瞬息耳唯導迎朝氣以爲人生之幹則風期骨體卓然有以

自立庶幾無忝所生焉嘗覽宋之季矣生於斯者含毫振彩爲文章樹
赤幟亡慮什伯而遠師程朱以理學砥礪如陳公經正輩枕戈待旦以
忠誠許國如黃公友輩批鱗敢諫士論翕宗如林公則祖輩桀桀人實
亦更僕未盡辟之陶匏異器而諧音黼黻異章而麗彩非地之偶靈也
亦由鴻師宗匠儀的于前疊肖重賢濯磨於後今則寥寥甚矣鱗之潛
猶是淵也顧濤非不怒而奮鬣揚鬐一息千里者鮮其人矣烏之棲猶
是柯也顧風非不迅而振翎屬翮一搏六月者鮮其人矣天之生人抑
厚於昔而薄於今歟或者曰騶之絕塵也怒於駒不幸而繫於伏櫪鶻
之摩空也捷於雛不幸而頓於榆枋士固有具絕塵摩空之骨而知遇
希濶河清難俟者余謂無是人生骨性不自消磨則猶然駒之雛之也
夫孺子捕鵝且止且飛知其無益而頓趾攀足從之不休未滿志耳故
古人式怒蛙余老矣不能爲駒騶雛鶻能禁其不爲蛙鳴也哉且作昂

藏之志不使卑庸暮氣得以昏之亦以告後余而生者

慎江文徵三十八

姜氏準東嘉人物志

慎江文徵三十八

佚

雍正浙江通志一百八十二姜準博綜羣籍尤悉甌中典故箸書二十七種

案良峯姜處士準雍正浙江通志乾隆溫州府志乾隆永嘉縣志文苑傳並有傳皆僞所箸書有二十七種然各志經籍門所箸錄者廬海族譜一種今於慎江文徵別得東嘉教職世表東嘉科第年表二書自敘又據科第表敘知復有人物志之作足爲熟悉典故之證曾唯廣燭蕩山志亦載有瑣談一書

見十卷五

之廬及五種其餘並無可攷又府縣志良峯傳增載同時有梅應期箸書六十餘種今廣稽志集一無所見文獻論替不惟簡

帙就湮卽篇目亦無從按討良可慨也謹附識於此覲留心掌故者其尋訪焉

無名氏東嘉姓譜

乾隆溫州府志二十七

四卷

未見

乾隆溫州府志二十七東嘉姓譜四卷鹿田子輯不知氏里

案東嘉姓譜舊府縣志僞爲鹿田子輯不知何許人也其書今亦未見查爲仁厲鶚注絕妙好詞卷一盧祖皋卷三薛夢桂下並引其語則其書流傳未絕當尙可尋訪也

國朝

王氏

祚昌

王氏園史

周天錫撰

存

楊菴日鈔寫本

祚昌曰園史哀思也先子心實府君之學未及著於世而遂沒孤不肖恐遂泯闕罔傳焉妣懿行媲於古人姊及其夫子章孝義感動於鄉是府君之教行於一家之驗也孔子曰是亦爲政奚其爲爲政其此之謂歟夏蟲噪林風木哀予偶筆一二名爲園史庶他日傳狀一藉也謹誌府君生於嘉靖乙卯三月廿二日卒於萬歷甲寅八月二十日享年六十府君沒妣遂寡飲食姊妹哭府君先後從之妣遂病未及大祥繼沒嗚呼尙可言哉尙可言哉妣生於嘉靖壬戌六月初二日卒於萬歷丙辰六月十一日伯兄履昌敬奉窆於梅隴祖丘之右二志均未及詳除服伯兄學日進事來則應過輒已冠婚二第不以家冗相煩詩文超然自得當有知者兄弟痛考妣之沒輒用以簡先生爲儀表門下知名者多至如陳君國祥鮑君德純尤終食不忘府君之教勤用勸勉有過無諱陳君事父母稱色養兄弟愉愉如也久要不改足備惇懿病卒弟姪

均預夢一日皆自遠至今其族里率神事之季第文筆頗藻癸酉爲本
房所賞頗好聲律有韵之言又嘗謂人曰家有文中子倘得自附無功
諸門士切規之以爲非府君之志祚昌椎魯猶昔隋而無成斯行之諭
百不一進私念當世名公卿輒能推高其先行使名德不湮府君寔學
寔行不獲著見於世太史公曰顏淵雖賢附驥尾而名益顯修身砥行
不附青雲之士烏能施於後世哉可用深嘆雖芝蘭生於深山不以無
人不芳不足爲府君軒輊然而不孝之罪安能追於萬一哉敬錄大略
名爲園史附於周易敝書之後大人先生有愍其不孝賜之傳狀使讀
易者人人明著府君之學則府君不泯矣宅非所敢望也嘗崇禎甲戌
六月初八日中男祚昌謹誌

案王彥翼園史記其父某

字仲升號心
寶其名無攷

母蔡氏言行而附以兄

履昌及女兄遺事條舉件繫頗爲詳悉手稟久佚故府縣志並

未箸錄余所見者周懋寵榜菴日鈔錄本凡二十六條不知是

半翼全書否也

周氏

天錫

敬梓錄

花萼樓集

佚

自序曩讀古人書遇可喜可驚可歌可泣之事輒流連擊節不自禁云
顧蹟湮弗可索也地違弗可接也弗可索弗可接以爲未必有是也以
爲未必有是而可喜可驚可歌可泣之情悠然逝矣父母之邦故老之
傳耳聞目見確如也每有所獲輒書而投之陶甕中閒取讀之其蹟不
湮也其地不違也可喜可驚可歌可泣則果如是矣詩不云乎維桑與
梓必恭敬止恭矣敬矣又寧直喜之驚之歌之泣之而已哉

花萼樓集

慎江獻徵

花萼樓集

佚

周氏家錄

花萼樓集

佚

朱氏

鴻臚

景行錄

竹園類輯四

佚

自序予取明代賢人布衣太學生之流及職官之至小者撮爲景行錄
各施論斷乃喟然歎興曰學之不可有誤也如是夫學之不可有誤也
如是夫三代而下旣用科目取士士之爲學豈必舍科第弗取棄舉子
業勿事哉第其心惟知有科第若非科第不足以成名誤矣不知不由
科第而成名尤盛於科第者未嘗無人焉惟知工爲應制文苟且勦襲
以投時好誤矣不知天下古今有當讀之書有當明之理有當識之事
舍此弗圖卽於制科已失其實雖陟春官三百人之列與草木同腐已
耳奚貴焉況乎科第得失制之由命命苟得雖慙古學違時好志弗在

科第而科第亦弗舍之也若不當得而徒竭一生精力從事於咕嗶鉛槧之閒不務實功不求實獲至於老死牖下碌碌庸暗罔所聞知不亦大可惜哉是以蚤知之士不待事過後悔便當於少小時立定厥志期作百代人物當讀之書罔弗博當明之理罔弗窮當識之事罔弗考特立而獨行嚶嚶而進取不僅以一科第畢我生平之學試觀茲數公者其人至微其位至卑其名至美其業至大曷嘗有待於科第而亦豈徒科第者之所能及哉詩曰高山仰止景行行止予心竊嚮往之錄取明代爲其近而易於興起也云爾

竹園類輯四

右總錄

宋

陸氏

維則海神靈應錄

一卷

直齋書錄解題七文
獻通考一百九十九

佚

直齋書錄解題七海神靈應錄一卷永嘉貢士陸維則撰太守韓彥直子溫爲之序初元祐中太守直龍圖閣范岫夢海神曰吾唐李德裕也郡城東北隅海仙壇之上有廟初不知其爲何代人岫明日往謁其像卽夢中所見自是多響應然封爵訓詞惟曰海神而已

案陸維則事跡無攷韓彥直蘄忠武王世忠子見宋史三百六十八其知溫州萬厯溫州府志秩官門列於淳熙閒則維則南宋初人也

陳氏

防

雲萍錄

文天祥文山集

佚

文天祥題詞公守建陽人和政成皇曰來歸從囊斯榮我時在館望公珮珩公不我遐我德公誠公錄班如友朋公卿維公下士敬附氏名

文山

集

案節齋陳清惠公防萬厓溫州府志宦業傳雍正浙江通志乾

隆平陽縣志名臣傳並有傳

夏氏

元鼎

南嶽遇師始末

四庫全書總目一百四十七始作本今從紹菴集選

一卷

射菴集選

未見

李象坤序南嶽遇師始末一卷宋西域真人夏元鼎譔附于金丹詩訣之後元鼎字宗禹吾郡永嘉人嗜學淹貫自負其才當南宋初造慨然有唾手燕雲志宛轉赴帥幕比卿命使僞齊備極艱瘁以病病而習吐納法良效乃解組從簪裳誌稱其後無疾端坐逝逝之日鄉人在閩見之寄書歸類真得仙者鍾離翁不得逞于吐蕃遂從碧眼胡僧訊鸞鶴將毋同與緣是竊悟神仙自是血性男子事亦自是血性男子焚尾事

奚必編木屑茹草實自齟齬已然始云童眞入道哉郡之西十里岑壑清美元鼎昔歸隱其中地卽名夏仙子每遊焉所著陰符藥鏡悟眞諸講解俱閔不傳然三復茲編天之滓道之髓可烹煉而取之矣

羽卷集選

四庫全書總目一百四十七金丹詩訣二卷舊本題唐純陽眞人呂巖撰宋雲峯散人夏元鼎編元鼎卽作陰符經講義者也下卷末附南嶽遇師本末亦題夏元鼎編述元鼎遇赤城周眞人指示得道事攷蓬萊鼓吹附錄稱元鼎博極羣書屢試不第應貢許二帥幕出入兵間至上僊夜感異夢棄官入道至南嶽祝融峯得遇異人傳授亦道家荒誕之言不足信也

案雲峯夏道士元鼎雍正浙江通志萬厯溫州府志乾隆永嘉縣志仙釋傳並有傳

明

項氏喬 甌東政錄千頃堂書目十

未見

案嘉靖辛亥廣東初刻十卷本甌東私錄末二卷標曰政類凡

甌東爲撫州廬州河閒知府及爲湖廣按察副使福建按察僉

事廣東參政等官所行公牘悉在焉明年別刻於南雄則推官

劉儼重爲編定以私錄專載講學之語分歷官公牘別爲政錄

卽此本也詳十一卷甌東私錄下然刻本今未之見卷數亦無可攷

葉氏承遇 筮仕錄雍正浙江通志二百四十四

佚

案葉莆田承遇萬厯温州府志宦業傳雍正浙江通志乾隆永

嘉縣志循吏傳並有傳

戴氏賞 惠愛錄二谷山人近稿五

温州經籍志 卷九

佚

續愛錄

二谷山人
近稿五

佚

玉陽錄

二谷山人
近稿五

佚

惠庠義田錄

二谷山人
近稿五

佚

當陽學課錄

二谷山人
近稿五

佚

侯一元湖廣當陽學諭金峯戴先生墓誌銘嘉靖丙午選貢授廣東惠州府學訓導至則揭示諸生修己所宜又爲置義田以備貧士轉爲湖廣當陽教諭所著有惠愛玉陽續愛惠庠義田當陽學課諸錄歸田稿

見聞襍著二谷山人
近稿五

案金峯戴教諭賞乾隆溫州府志乾隆永嘉縣志文苑傳並有

傳

張氏陽春江北恤刑錄乾隆溫州府志二十七

佚

案張尤溪陽春雍正浙江通志乾隆溫州府志乾隆永嘉縣志

介節傳並有傳

周氏一奎平黎一箸乾隆溫州府志二十七

佚

佐惠半班乾隆溫州府志二十七

佚

案平六周知州一奎乾隆溫州府志循吏傳乾隆永嘉縣志仕

續傳並有傳

周氏

應期

江州計過錄

雍正浙江通志二百五十二

佚

李氏

維樞

折衝紀述

乾隆溫州府志二十七

佚

右襍錄

史鈔類

宋

王氏

十朋

唐書詳節

文淵閣書目五

佚

文淵閣書目五王十朋唐書詳節一部二冊闕

陳氏

傳良

西漢史鈔

十七卷

文獻通攷二百世
善堂藏書目錄上

佚

文獻通攷二百西漢史鈔十七卷中興藝文志陳傅良撰指摘精要裨
正闕誤如制度始末因革則條其大意遺其煩碎而一代之興衰治體
人才紀綱風俗亦畧矣畧字下疑
奪一字

葉氏通

葉學士唐史鈔

十卷

宋史藝
文志二

佚

案宋魏仲舉五百家注音辨昌黎文集卷首列所收評論詰訓
音釋諸儒名字云永嘉葉氏名適字正則議論見唐鈔魏書之
例凡云某人議論見某書者並其人自箸之書如王得臣云議
論見塵史沈括
云議論見
筆談之類而史志及各書目所載水心撰述並無唐鈔之名惟

宋史藝文志二有葉學士唐史鈔十卷注云不知名攷水心官終寶文閣學士故宋人多稱爲葉學士所箸書亦以爲標題章卿羣書攷索續集十三引水心賢良進卷稱葉學士進卷明黎諒水心集跋述所得舊本亦有題葉學士文集者是其證也然則葉學士唐史鈔殆卽魏仲舉所謂唐鈔也宋志所載者蓋宋時書肆之本故廬題葉學士而不箸姓名耳

載記類

宋

薛氏季宣十國紀年通譜良齋浪語集三十

佚

自序事明於一疑於眾舉其類則疑者明三代以前萬國分治書之典誥何其明且約也蓋天下車同軌書同文行同倫萬國之政繫於一人四海之大猶一身上下之禮明中外之治均比屋可封人亡異情載筆

之臣何所記修律度量衡然猶未免於時守而同之也周德衰王迹熄
徐楚僭叛征伐行於諸侯正朔不稟於京師國異政家殊俗變風競作
聲詩異編春秋常事不書類以舉其疑也太史公譜共和以來爲十二
諸侯六國年表稽古之士得以攷見焉漢世宗紀年建元爲國家者循
以爲故時疑世變自爲聲教者往往各名年紀二君並世則行事異而
正朔疑矣不明其類曷舉其疑十國判於唐衰一於天宋中更五代時
並異書讀其傳者不習其時常以爲病劉恕紀年載述假日名甲子繫
之年舉眾明疑一其類矣至於參攷異邦之事則尙有臨軸而廢卷者
爲之旁行譜繫列其歲紀舉疑明類輔成劉氏之闕先唐改元天祐而
蜀猶以天復名年通譜之書從此而斷迄於平晉凡七十有六年年殊
朔別用通譜於左方

良齋浪語
集三十

時令類

明

應氏

德成

時令記

乾隆溫州府志二十七

佚

鄭氏

思恭

月令纂言

乾隆溫州府志二十七○乾隆平陽縣志十九作時令纂言

佚

國朝

林氏

占春

月令合纂

雍正浙江通志二百四十四

佚

案林教授占春雍正浙江通志乾隆溫州府志乾隆永嘉縣志

文苑傳並有傳

余氏

國光

歲事通續編

嘉慶瑞安縣志九

未見

溫州經籍志卷九終

章見尹亥

温州經籍志卷十

瑞安 孫詒讓 編

史部

地理類上

宋

薛氏 季宣 薛常州地理叢考

一卷 宋史藝文志三

佚

九州圖志 千頃堂書目入宋史藝文志補○朱氏語類二作九域圖

佚

朱子語類二李德 七十九 之間薛常州九域圖如何曰其書細碎不是

著書手段 七十九 載此語 七十九薛常州作地志不載揚豫二州先生曰

此二州所經歷見古今不同難下手故不作諸葛誠之要補之以只見冊子上底故也

案艮齋浪語集二十四答陳君舉第二書云八州圖別後都不暇料理又第三書云州圖納去荆南交二紙鈔畢希蚤寄示揚冀草具未徧梁州和夷未曾釋地幽雍都未下手幽經卻備幸而不爲事奪一兩月閒莫可成矣書內有旋聞上庠中補喜之不寐之語蔡幼學止齋行狀載乾道六年從薛公晉陵其秋入太學則艮齋書必是秋所寄其後三年艮齋卽卒止齋作行狀載其著述云九州圖志止若干卷則終未成書故揚豫仍闕朱子謂二州難下手故不作非艮齋意也

又案九州圖志黎氏編朱子語類作九域圖注引學蒙錄作九域志

見語類

七十九攷宋王存有元豐九域志艮齋不宜襲其名千頃

堂書目及宋史藝文志補並作九州圖志與陳止齋所作行狀

同益得其寔今從之

王氏

奕

釋漢地理志

萬厯溫州府志十七

佚

國朝

林氏

占春

輿志合璧

佚

葉氏

嘉倫

輿圖詳攷

寶香山館集十七

未見

右總志

宋

黎氏

靖德

沙陽志

萬姓統譜十四

溫州經籍志

卷十

佚

萬姓統譜十四黎靖德永嘉人嘉祐閒爲沙縣主簿攝縣事清謹善理
繁劇博學能文詞嘗修沙陽志

福建通志九十三宋沙縣主簿黎靖德嘉祐閒任嘗攝縣事清謹博文
纂修邑志

張氏季樗濠梁志

三卷直齋書錄解題入
文獻通考二百五

佚

直齋書錄解題入濠梁志三卷郡守永嘉張季樗撰時嘉泰初元

案張州守季樗忠簡公闡子雍正浙江通志乾隆溫州府志乾

隆永嘉縣志循吏傳並有傳方輿勝覽四十八淮西路濠州郡

名曰濠梁

凡祝書所謂郡名大都當時雅俗相沿之稱或襲郡
縣舊名或舉山川勝蹟故有一地而郡名三四者並

以備詩文牋牘之用非宋時寔嘗置此郡也下浮光江陽府江並放此張延卿自知光州與商延

昌易濠州後改知和州開禧兵變起罷歸事詳水心集二十六故中散大夫提舉武

夷山沖佑觀張公行狀此志卽其在濠時所撰也

陳氏謙永寧編

十五卷宋史藝文志三直齋書錄解題入文獻通考二百四國史經籍志三

佚

王象之輿地碑目一永寧編陳謙所述留元剛序云是編非取夫搜摭

新故誇詡形勝而已事變之會風俗之趨蓋將有考焉觀敘州自晉以

來守凡幾人孰賢孰否觀敘人自國朝以來作者幾人孰先孰後熙寧

而後所易兵制善於古否建炎而後所增賦稅鈔本碑目作稅賦今從車氏刊本安於

民否水利何爲而便役法何爲而病是非得失之迹興廢鈔本碑目作廢興治

革之由安危理亂於是乎在一言去取萬世取信案非全文

直齋書錄解題八永寧編十五卷待制郡人陳謙益之撰漢分章安之東甌鄉爲永寧今永嘉四邑是也故以名編時嘉定九年留元剛茂潛爲太守

讀書附志上永寧編十五卷右嘉定中守留元剛序陳謙所述也敘州敘縣敘山敘川敘賦敘役敘兵敘人敘產敘遺凡十一類

案陳易菴永寧編成於嘉定九年卽易菴卒年也

易菴卒於嘉定九年八月

年七十三見水心集二十五朝請大夫提舉江州太平興國宮陳公墓誌銘其目見讀書附志者始

敘州終敘遺凡十一門方輿勝覽九瑞安府山川雁蕩山下引敘山云云蓋卽此書敘山篇文也

戴氏

溪

清源志

世善堂藏書目錄上源下有山字誤衍

七卷

直齋書錄解題入文獻通考二百五

佚

直齋書錄解題八清源志七卷通判州事永嘉戴溪肖望撰時慶元己未太守信安劉穎也

案宋泉州清源郡平海軍節度屬福建路

見宋史地理志五

宋史本傳

載文端升博士除慶元府通判未行政宗正簿累官兵部郎官不云嘗通判泉州攷文端除宗正簿在慶元二年二月

見中興館閣續

錄九寔錄院檢討官下

其除兵部郎官在開禧二年七月

見中興館閣續錄入秘書郎下

其修清源志陳錄謂在慶元己未則其倅泉當在爲宗正簿之

後兵部郎官之前

兵部郎官之前尙有祕書郎之除在開禧二年三月亦見館閣續錄

本傳所敘

官秩不無刪削耳清源志明文淵閣書目十九世善堂書目上

竝有其書今則久無傳本惟王氏輿地紀勝一百三十泉州一

卷略引數條其體例無可攷也

徐氏自明 零陵志

十卷

直齋書錄解題入文獻通考二百五十五宋史藝文志三

佚

直齋書錄解題入零陵志十卷郡守徐自明嘉定己卯重修

案宋永州零陵郡軍事屬荆湖南路

見宋史地理志四

徐槧堂知永州

在嘉定十年十二月

見史能之零陵志入

零陵志成於嘉定己卯蓋除官

後二年也

宋宰輔編年錄陳昉跋云槧堂終零陵郡守

輿地紀勝五十六永州碑記

載有零陵志張埏序不著撰人未知卽此書否

宋志三張埏零陵志十卷與徐

書並收

浮光圖志

三卷

宋史藝文志三

佚

案方輿勝覽五十淮西路光州郡名曰浮光槧堂所著圖志見

朱史藝文志疑嘗官光州也

張氏聲道岳陽乙志

三卷直齋書錄解題入
文獻通考二百五

佚

直齋書錄解題入岳陽志甲二卷乙三卷甲集建安馬子嚴莊父乙集
永嘉張聲道聲之所修皆郡守也

中興館閣續錄七秘書丞張聲道字聲之溫州瑞安人清熙十一年衛
涇榜進士出身治書開禧元年十二月除二年四月罷入秘書郎張
道開禧元年九月除十二月爲丞

嘉慶瑞安縣志七朱進士治熙甲辰衛涇榜張聲道湖南提刑連志府志
道並誤道

案宋岳州岳陽軍節度屬荆湖北路見宋史地理志四張聲之守岳州

時代無攷明文淵書目十九有岳陽志六冊未知卽甲乙志否

陳氏嶼南海志阮元廣東通志一百九十一作南海縣志誤今從宋史藝文志三

十三卷宋史藝文志三

佚

自序九州之志見於墳典之初慎江文徵三十至周誦訓文徵無職方

文徵此下有氏字所掌事益加詳其文徵無由來古矣方文徵無是時南越地尙文徵

處荒外文徵服宜為此二字闊絕亡傳自漢以來固已亡閒於此三字文徵

中邦而文徵作南海寔文徵無一都會文徵無蓋嘗總攝五筦號軍府之盛其

地望重矣文徵禁重宋興混并文徵作六合迄於茲二字文徵二百四十餘年

民物歲滋文徵阜物滋聲教日洽人之文徵無視之所謂若東西州焉文徵無

者誠可睹不誣五字文徵顧若文徵無昔方志之傳其文徵無存者蓋少

文徵近時圖述復多缺略文徵作或所錄率醜猥文徵作覽者病焉因委

郡文學文徵二齊琥監鹽倉季端仁相與纂輯文徵作訪之耆老參以

舊聞

此二句文徵無

考質

文徵作訂

策次凡閱月數四

文徵作凡四閱月

以成書

文徵有者字

告

視前頗

微二字文徵作昔

有倫且加詳矣自

文徵無

余來

文徵無

泣茲土見城觀室屋

屋室

文徵作

暨夫

微二字文徵作伯

名蹟故寔

微二字文徵無

率荒圯

微二字文徵作弗

弗治壕渠表裏

亦皆

微四字文徵無

堙過名存而

文徵無

寔喪每竊興

文徵無

嘆於是補

文徵作葺

傾是建是闢

文徵作斤問

民所利病

三字文徵作噫

與之規為凡其

文徵無

力所

可強弗敢有

文徵無

愛也若夫

文徵無

習俗之

文徵無

龐襍

文徵無

好競之蕃多

作三字文徵

作向侈

雖嶺海之會

三字文徵作表

居勢使然司牧者

文徵無

盡

文徵無

解其責乎然力有豐薄事有易難

文徵作

期月而可茲由聖哲

論也

六字文徵作

賈誼有言

二字文徵作曰

移風易俗使人同心而向

文徵作嚮

道

類非俗吏之

文徵無

所能為則豈余克任哉姑述厥志以俟夫

文徵無

後之

君子

文徵此下有嘉定二年十一月辛卯

日十字

廣東通志一百九十一

廣東通志二百三十六陳峴以大中大夫集英殿修撰嘉定元年知廣

州軍州事兼管內勸農使充廣南東路經略安撫使馬步軍都總管帥
廣三年政務寬簡民甚德之嘗以政暇委州文學齊琥監鹽倉季端仁
編南海志凡都會名蹟湮過弗彰者皆補書之成一方信史凡十三卷
云

曹氏

叔遠

永嘉譜

宋史藝文志三譜作志誤今從直齋書錄解題入
文獻通考二百四宋史藝文志三國史經籍志三

二十四卷

直齋書錄解題入文獻通考二百
四宋史藝文志三國史經籍志三

佚

直齋書錄解題入永嘉譜二十四卷禮部侍郎郡人曹叔遠器遠撰曰
年譜地譜名譜人譜時紹熙三年太守宛陵孫楫屬器遠哀集創爲義
例如此器遠庚戌進士蓋初第時也

宋史四百十六曹叔遠嘗編永嘉譜識者謂其有史才

吳仁傑離騷草木疏四永嘉譜有慈竹石竹籬筆竹茅竹箇菜竹竹

簋竹木簋竹

竹粘翠竹苦油竹蘆栢竹大箴竹一曰竹公孫竹

方竹紫竹江南竹班竹湘江竹

案曹文肅永嘉譜區分四目在古地志中寔爲勑例其所謂年譜者蓋以志建置沿革諸大事並編年紀之其所謂地譜者蓋以志山川疆域名勝古蹟其所謂人譜者蓋以志官師除罷選舉人物惟名譜不得其義不知所志何事也其書明文淵閣書目有十冊周天錫慎江詩類一錄謝靈運北亭往松陽始發至三州讀書齋詩下附邵少文邵建卓字云右三詩見宋永嘉譜康樂集中不載近馮惟訥詩紀亦遺之是此書明末尙存今則不可復得矣

江陽譜

八冊

文淵閣書目十九。輿地紀勝一百五十三無冊數

未見

輿地紀勝一百五十三潼州府路瀘州碑記江陽譜永嘉曹叔遠編集
四庫全書總目八十一宋朝事寔二十卷宋李攸撰陳振孫書錄解題
稱其官爲承議郎而不詳其里貫江陽譜稱政和初編輯西山圖經九
域志等書瀘帥孫義叟招原注下書上轉三官張浚入朝約與俱以家
事辭其書據江陽譜蓋上起建隆下迄宣和凡六十卷其三十卷先聞
於時後以餘三十卷上之因語觸秦檜寢其書不報故晁陳二家書目
俱作三十卷與譜相合

案方輿勝覽六十二潼州府路瀘州郡名曰江陽宋史四百十
六本傳載文肅嘗通判涪州後守遂甯未嘗官瀘州蓋史文缺
略江陽譜明文淵閣書目尙有著錄 四庫提要宋朝事寔下
亦引其語不注出處疑永樂大典內尙載其書也

周氏 端朝 桂陽志

五卷 宋史藝文志三

佚

案宋桂陽軍屬荆湖南路 見宋史地理志四 周文忠嘗為桂陽軍教授

見通志府縣志人物傳 故為修志輿地紀勝六十一桂陽軍碑記載桂陽

志教授鄭紳編與文忠志別明文淵閣書目十九有桂陽志三冊一部二冊不知即文忠書否也

林氏 英發 景陵志

十四卷 宋史藝文志三

佚

讀書附志上景陵志十四卷右嘉定庚辰郡文學林英發修詩文集附焉唐陸鴻漸皮日休陸龜蒙皇朝朱昂宋祁晏殊吳育楊徽之蘇紳石

延年王禹偁張耒諸公之作爲多

趙宏恩江南通志一百七十二太倉州流寓宋林英發永嘉人贅居嘉定知建昌縣戡定洞寇擢知壽昌軍趙與憲嘗師事之卒葬蘇州穹窿山

案宋復州景陵郡防禦屬荆湖北路

見宋史地理志四

林氏此志舊通

志府縣志並未著錄今據宋志補入

姜氏

得平

盱江續志

十卷

宋史藝文志三

佚

案方輿勝覽二十一江西路建昌軍郡名曰盱江直齋書錄解

題三載德平官建昌軍教授

詳卷六論語本旨下

故爲修志然書錄解題

八載盱江續志十卷慶元五年三山陳岐修郡守也其書卷數

與姜志同或姜志卽由陳岐主修或姜志之成在陳志之後遂沿續志之名均未可知也明文淵閣書目十九有盱江後志五冊不著撰人亦不知卽是書否

蔡氏範黃巖志

十六卷

直齋書錄解題八
文獻通考二百五

佚

直齋書錄解題入黃巖志十六卷知縣永嘉蔡範蓮當作甫撰嘉定甲申

案蔡遵甫以嘉定十五年知黃巖縣見陳耆卿嘉定赤城志十一陳錄謂黃巖志成於嘉定甲申則十七年猶在黃巖也

元

章氏嘉夏氏開先溫州路志

溫州經籍志

卷十

二十卷

雍正浙江通志二百五十三〇文淵閣書目十九元史藝文志二並作十冊

佚

萬厯溫州府志十二章嘉嘗修溫州路志時永嘉有夏開先者世著儒業治喪不用浮屠鄉里尊之與嘉同事纂修

案章德元夏開先所修溫州路志明文淵閣書目有其書今未見傳本

章氏嘉東甌志

十冊

文淵閣書目十九

佚

萬姓統譜四十九章嘉至大庚戌修溫州路志延祐己未自翰林還里重修東甌志

雍正浙江通志二百五十三東甌志延祐閒修見任敬溫州府圖志序

天台郡志

雍正浙江通志二百五十三。文淵閣書目十九不著撰人。

十冊

文淵閣書目十九。元史藝文志二無冊數。

佚

永嘉縣志

林霽山集拾遺

佚

乾隆永嘉縣志二十三 永嘉縣志元教諭平陽章嘉德元修見林景熙

平陽州志序

榮章德元所修永嘉縣志見林霽山平陽州志序通志府縣志

並據著錄

尹廷高玉井樵唱中有章春谷編永嘉志成詩

攷明文淵閣書目十九有溫

州路永嘉志八冊又永嘉志一冊舊通志府縣志所載元時地

志別無所謂永嘉志者疑卽章志本以漢縣名書與陳氏永嘉

編相類霽山平陽州志敘據當時縣名言之故曰永嘉縣志耳

今附議於此於外編不復錄永嘉志以省繁綴

瑞安州志

林霽山集拾遺

佚

平陽州志

元史藝文志二

佚

林景熙序平陽舊無志何以無志也溫屬縣也土地人民政賦附見於永嘉編永嘉譜者往往而略元貞元年以縣五萬有奇戶陞中州仍隸於溫迺選良二千石暨其佐奉宣休德以惠我人昔沿今創今繁昔簡無志可乎朝廷嘗下郡縣徧采圖牒以成大一統之志然探星宿遺義娥不備不寔其何以信判官皮侯元飲冰食蘗以詩書飾政覽形勢稽典籍方有志茲事會前永嘉教諭章嘉德元修永嘉縣志成捧路檄來補平陽瑞安二屬州志侯喜曰此予欲爲而未遂者也子生長是州好

古博雅其得辭以告同僚長以下皆喜乃摩館之其筆札德元祖述編
譜搜舊聞訪殘刻山林遺錄官府近制無不博詢旁采增昔所無續今
所有而定去取于侯其友前西安教諭陳天佑孝章相與彙集手鈔窮
日夜不爲無助志於是咸感曰勤哉繼而謝公振孫來守是州捐捧率
先錢之夫事有若迂而寔有功雖非簿書期會之所急而寔教化風俗
之所關志是也周有外史以掌四方之志而杞宋不足徵夫子亦傷文
獻之無存今仕是州者或數千里而來山川易險典禮廢興一披此志
瞭然在目由是參酌其政事調和其土俗使民不棄所便而駭於所未
嘗習斯亦可附千古良史俗吏固不識也德元以侯令屬予敘於是乎
書大德丁未重陽前釋褐進士林景熙序

林霽山
集拾遺

雍正浙江通志二百五十三平陽州志大德丁未判官皮元延永嘉教
諭章壽德元修西安教諭陳天佑相與彙集州守謝振孫錢林景熙序

按平陽州志王氏東嘉先哲錄引之蓋其書明時尙存

明

徐氏興祖張氏升溫州府圖志雍正浙江通志二百五十三

佚

任敬敘皇帝龍興江左肇造區夏薄海內外靡不臣服嘗俾天下具圖志進上其事甚重也予承命來守於溫二年矣庶務煩劇未遑他及洪武十一年夏會省部以修圖志責成郡縣於是屬府學教授徐宗起永嘉縣學訓導張升集四邑之耆年宿學相與採摭討論考究延祐東甌志而續補其所未備者矧革命之後治化一新凡所損益在所當紀者乎夫疆里山川人民社稷田賦土產事寔沿革此爲政者所宜周知不可不錄而人物消長風俗盛衰尤關於教化之得失又安得而後之哉常攷自東晉置郡以來爲之守者如王羲之之治尙慈惠謝靈運之招

士講書由是人知自愛向學民風一變沿及李唐人材稍出至於趙宋元豐淳熙之間道學淵懿文物之盛庶幾乎鄒魯之風矣迨及有元餘韻尙存推原其自雖氣運使然亦承流宣化者代有其人也方今聖朝慎選守令與舉學校政將化民成俗以成三代之治予雖不敏敢不奉揚德意故是志之成命工鉅梓而序其卷端使後之牧民於斯者得以觀焉則思因其俗而善導之不但求資於聞見之博而已也於是乎書

萬厯溫州府志十七

雍正浙江通志二百五十三溫州府圖志洪武十一年郡守任敬屬府學教授徐宗起永嘉縣學訓導張升採摭續補

乾隆溫州府志十七明永嘉縣學訓導張升永嘉人

案張升事跡無攷後爲溫州府學教授亦見府志職官門其與徐橫陽同修溫州府圖志久佚據任敘蓋以章氏東甌志爲藍

本而續補其未備者千頃堂書目七載此書題任敬名誤也
又案明文淵閣書目十九有溫州府志十二冊不著撰人此目
編於正統六年所載溫州府志疑卽徐張圖志也

方氏燧

平陽縣志乾隆平陽縣志十九

佚

乾隆平陽縣志十九平陽縣志明正統中全章惠延邑人方燧修

案方志乾隆溫州府志經籍門云明宣德間知平陽縣全椒章
惠編輯平陽縣志則以爲惠延方燧修人物門燧本傳亦同蓋
惠爲主修故府志遂題其名此書實出方玉蒼手也又萬厯溫
州府志治行傳云章惠宣德八年知平陽平陽志載此志爲正
統間修蓋惠正統初猶在任修志自在正統時府志據其媒官
之年故云宣德間今並以平陽志爲正

孔氏 彥雍 平陽縣志 與包瑜同修

十卷 乾隆平陽縣志十九

未見

乾隆平陽縣志十二成化戊子舉人孔彥雍鐸從子唐山知縣修平陽縣志十九平陽縣志十卷弘治壬子令王約延青田包瑜邑人孔彥雍同修

雍正浙江通志一百七十七包瑜字希賢青田人由舉人任教諭撰述甚多

陳氏 宣 河南府志

十二冊 千頃堂書目七

未見

千頃堂書目七陳宣河南郡志十二冊弘治乙未修宣河南府知府

案潛齋陳參政宣雍正浙江通志介節傳萬厯溫州府志乾隆
平陽縣志宦業傳並有傳

王氏贊溫州府志

二十二卷

千頃堂書目七天一閣書目二之
二。明史藝文志二作二十三卷

未見

自敘太一既判兩儀位矣形而上者謂之道形而下者謂之器器體夫
道道行乎其中而綱維之是形而下者可紀形而上者寔在焉先王疆
理天下物土其宜達其志而通其欲齊其政而修其教未有外道而冒
爲者禹別九州定其山川分其圻界條其物產辨其貢賦周則夏官掌
九州之圖以知山林川澤之阻地官掌方志以知地俗春官以星土辨
封域秋官掌圖地以辨財用九穀六畜之數司徒掌土地人民之詳以
佐王授邦國家宰寔領其事而亦總爲史官之職其卽事卽物有條有

倫孰非道之箸也遷固任陸而下有志輿地者眾矣君子猶或議之則志事豈易言哉溫爲東甌古壤在浙東極處枕江界溟天設奇勝危峰層巒環控四境蟠幽宅阻一巨都會民風土俗之良尙矣載籍有紀葢起于晉如永嘉記是已繼是爲圖經爲志爲譜爲編作者迭興歲久湮燬皇明洪武己未任守敬一修之然所紀悉啟運初務未及重熙累洽之盛也況當詳而略當約而泛其亦奚所鈎攷以爲政化資哉弘治庚申吉水鄧侯安濟來知郡事諏察民俗崇邁文教銳有志於編纂方勤撫綏未遑也越三年治治民和郡以無事爰命瓚等於南塘日新寺緣舊志而輯理之俟時臨閱焉商訂得失酌量去取刪繁就簡黜駁登純振鴻纖而罔漏貫皦昧而畢舉凡六越月而成編總爲二十二卷卷爲之敘則鄙意欲以識顛末示警發也雖然志所紀者若郡邑城池形勝風俗山川土產賦役學校公署官職科第人物爲類不一皆器也由器

揆道存乎其人是故有郡邑則有治之道有城池則有守之道有形勝則有壯之道有風俗則有敦之道有山川則有位之道有土產則有育之道有賦役則有均之道有學校則有教之道有公署則有居之道有宦職則有蒞之道有科第則有興之道有人物則有重之成之道器不能無道而自淑道不能無器而自行也吏斯土者依於道以制器生長於斯者依於道以爲器重其所以恢闢見聞開廓智慮舍志曷觀哉觀紀事之文而妙會言意之表眞知夫道器之不相離以厲其職分之當然則志之助與爲大斯鄧侯輯志之本心歟璣備員史官之後而又生長于境內則輯志固其職也識陋才疎媿無以副而還朝戒期則其勢宜弗能精以詳也補正闕疵而嗣理之璣於博洽君子有厚望焉同事者鄉貢進士蔡君芳參詳其事者同知李侯增通判劉侯塘推官何侯鼎指揮陳侯璠弘治十六年癸亥春三

月萬厯溫州府志十七

鄧淮敘今天下十有三省而浙爲首浙十有一郡而溫獨遠溫之去浙千有餘里枕閩福控台括寔東南沃壤倚山爲城環海爲池有五邑爲之聯屬有三衛八守禦所交錯布列爲之保障際海之外皆裔邦居之是郡雖遠而關繫則重矣今也山不裂石海不揚波民安於田里而吏安於職守者豈非我明天子御極聖德廣被海宇廓清而致然耶撫今思昔可深慨者自元主中國天下淪胥及方國珍據海上溫更被其荼毒斯民之不幸一至此哉我太祖高皇帝再造華夏降方氏於海隅夫然後溫之舊染污習一切除去維新善俗由然奮興式克至於今日神功聖德昭揭宇宙高三王而過五帝矣故淮來守此邦旣欲求方氏面縛之所想像其形容以彰我聖祖功德使海隅日出皆知休養生息涵煦百年之深者幸生大明之世亦郡臣之體然也夫以一郡之小而清

明之治體闢焉生民之休戚判焉郡志其可不修耶郡故有志簡或脫漏辭或繁複覽閱之際淆襍可厭於是謀諸王太史思獻重加編輯思獻郡人蓋有不得辭其責者況嘗修國史修會典而何有於茲哉准無似自登第以來周旋民事二十餘年剖符於溫人若與山川人民社稷相默契者是志之修寔維素心憤僭據而感皇仁凡以爲是民也公務之暇參詳其去取刪定其可否務寔損益之中而得乎紀載之要文雖簡而意必該名一存而寔必副由建郡以迄今其山川之美人物之盛道學之懿政績之詳本末精粗一以貫之而無遺矣展卷舉目了然其見庶幾吾郡人士知今之所以安於太平無事者皆上之賜且因一郡以知天下也

萬曆溫州府志十七

千頃堂書目七 瓚溫州府志二十二卷弘治癸亥修

天一閣書目二之二溫州府志二十二卷

刊本

明弘治癸亥郡人王瓚編

集并序知府鄒淮序

案王文定公瓚萬厯溫州府志宦業傳雍正浙江通志乾隆永

嘉縣志名臣傳並有傳溫州府志修於弘治十六年乾隆溫州府志作弘

治癸卯誤癸卯爲成化十九年弘治無癸卯也文定官編修時也范氏書目有明刊本

今未之見經義考襲引其書以校萬厯府志皆不及其詳核惜

傳本罕覲不得一補近時諸志之疏略也

張氏孚敬溫州府志

八卷

國史經籍志三千頃堂書目七天一開書目二之二

未見

自敘父子君臣人之大倫也舍此言治皆苟而已溫古揚州之域比宋
遂稱小鄒魯我朝皇上嗣位朝議率宋漢王故事以皇上考孝宗叔興
獻皇帝舉朝力爭余曰此倫理綱常攸繫獨上疏上親覽之曰此論一

出吾父子可終完也此議遂定漢宋俱成陋習矣禮成余忝官黃閣十年以老病乞休觀舊志深有感焉夫吾溫城池風俗山川人物與夫宮室正墓書目詩文之類閒有可觀者采錄之孰有大於明倫者哉千百年之下孰有過於此者哉書此作郡志序

張文忠集
文稿一

天一閣書目二之二溫州府志八卷

刊本

明嘉靖丁酉邑人張孚敬修并

序

案張文忠府志范氏書目亦有之其書承王志之後而卷數乃不及王志之半蓋吾鄉地志之簡陋自此始矣其自敘見本集於志中義例及纂修緣起悉未論及顧沾沾焉以議禮自矜尤爲非體蓋文忠之學長於論辨而疏於攷證志乘雖卑要亦具體正史非擅三長不副茲選未可任意刊削自矜簡要也

侯氏

廷訓

泗志備遺

三卷 天一閣書目二之二

未見

天一閣書目二之二泗志備遺三卷 刊本明嘉靖泗州判官侯廷訓撰并

序唐龍序

案侯筆山嘉靖甲申坐作大禮辨謫判泗州 詳二谷文集九泗

志備遺卽其時所修千頃堂書目六載汪應軫泗州志十二卷

又泗州備遺志二卷正德中爲庶吉士以疏諫南巡出知泗州

時編其時適與筆山相當疑卽侯書黃目誤豕泗州志遂并備

遺屬之應軫也 慎江文徵三十三有侯廷訓泗志帝述序帝述蓋此書子目之一

漳南志 二谷山人集九

佚

侯一元先僉事公行略庚子 案嘉靖十九年陞福建按察僉事整飭漳南兵備

漳南故無志故寔靡所託先君適以暇日旁摭遠討爲之志米鹽纖悉
因圖狀其谿谷委折道塗紆直扼塞處陰寓馬將軍聚米以貽來者

山人集九

朱氏綽瑞安縣志

十卷

明刊本。千頃堂書目七無卷數

存

瑞安項氏藏本

瑞安志成劉侯畿以奔走書介邑博歐陽照暨纂述四子過廬請敘余
言不文奚取哉然侯舉盛事余亦竊附以傳寧辭夫自列國有史掌於
周官備於職方志之來尙矣孔子歎文獻無徵而於夏殷之禮懼託空
言是以春秋垂憲百王而取徵魯史足矣若瑞之文獻則亦有不可泯
者恭叔篤行水心正學忠定如陳學士貞烈於卓侍郎道德文章代有
稱述而山川增重今昔增輝不有紀述則宦遊者於何遠稽以爲政而

後作者於何尙友以爲學偉哉斯舉蓋有得於政教之本夏殷之故彰
美傳盛而損益可知者也矧瑞自國初纂述附於郡志永樂以後百四
十年殆闕文焉匪侯之毅然修舉諸君子協贊以成如老成典刑何是
故輿地志而形勝昭建置志而封域定田賦志而供輸經職官志而宦
業辨祠祀志而祀典崇兵防志而海虞飭邊舉以釐仕路人物以表英
傑藝文以彰往迹古蹟遺事以備鑒觀至於因革之精存取之核例陳
變敘使人知褒戒之嚴凜然崇善黜邪有魯史泣麟之遺意然則是志
之修於文獻不重有徵而後來事事者得無師憑而興起者乎先是督
學阮公郡守龔公寔爲之倡溫凡五邑而瑞志獨先竣梓若其論述精
信卓然成書可與外史列傳並垂不朽則尤不可訐侯吳人以進士宰
瑞百廢具興志殆其一事焉後有述者吾知其可書矣若鄉大夫通

周令同知蔡

親博集睹記

述有

飾

詞則四子朱綽

秦

徵 蔡芳 嘉靖乙卯仲春既望賜進士出身通奉大夫 左布

政使樂清趙廷松識

雍正浙江通志二百五十三瑞安縣志嘉靖乙卯邑令劉畿延邑諸生

朱綽等修

乾隆溫州府志十九嘉靖瑞安歲貢朱綽華亭教諭

案嘉慶瑞安縣志十九嘉靖丁巳歲

貢朱綽綽誤作綽

案千頃堂書目七劉畿瑞安縣志嘉靖乙卯修卽此書畿以縣

令主修故黃目遂題其名

侯氏 一元 樂清縣志

七卷 千頃堂書目七

存 樂清鄭氏藏本

予叨役茲土工課日坐簿書堆中而於教民之大務恆切切焉而未逮

殊愧乎委質之初心一日諸生持邑志來見則自永樂迄今曠未修訂
法制之沿革財賦之盈縮政理之張弛人才之隆替風俗之淳澆悵然
其無足徵也嗟乎志固一邑之史也公好公惡之具也若是曷以興民
乎時方伯二谷翁致政杜門德誼孚鄉評文章名海內肅延之西塔之
巔掄諸儒翼相之更寒暑而始竣先之以壤地而水利興焉次之以宮
室而學校要焉次之以財用而貢輸急焉次之以人物而名臣碩儒孝
子悌弟貞婦闡焉終之以賸類而老釋方伎區以別焉是可以興矣夫
人莫不有好惡之真心語其天體之微固非百姓所與知而其日用閒
忽然萌惻然動沛然達自有不容遏者況樂清山海奇迴仕多忠亮剴
靖之臣校多宏介孤貞之士民多磊落峻特之耆昔人以東南鄒魯稱
信非誣已及其流也爲健訟爲矯亢爲同波相激爲同勢相挺然其平
寔常直之心每依傍其氣質而出故獨於真心爲最近予治之卽撓法

以活其所愛曲法以滅其所憎不可也雖然其視蕩平正直之極尙隔
層壤茲欲就真性之近而以天矩歸之則是編不旣備乎是故因公是
以興其真好之心於以力於爲善力於行仁因公非以興其真惡之心
於以力於祛惡力於芟暴夫狂狷鄉愿誠僞辨也而必謹所習循樸俠
倭名寔分也而必審所尙德行正行本末懸也而必識所從內健外順
內柔外剛君子小人之塗也而必定所趨惟茂根榦以削枝蔓惟守簡
淡以黜華炫惟還顙伺以脫呶囁惟甘哀抑以恥掩箸庶幾舍芟舍而
登巨厦離蹊徑而遊康莊何幸而與民相期以有成哉斯同予之意也
非予之意也志之意也非志之意也卽爾百姓日用之心也隆慶六年
壬申季夏穀旦賜進士樂清縣知縣婺源胡用賓書

自昔君子膺受任寄畏天閔人早夜孜孜斲以自靖其心全所付畀已
爾豈以垂聲哉其必筆之書者何也蓋其仁之無窮也仁無窮故其心

亦與之無窮自我而孜孜者不自我而止也故列國必有史郡邑必有志而必咨故寔魯侯所以爲孝也必告新令尹子文所以爲忠也故曰前事後事之師也在則人亡則書而左氏靳齊豹之無名史遷希青雲之有附則非其指矣雖然庸非教哉夫狂夫瞿樊柳言有防也莊獄變楚語言有瀆也故君子不自坊而常憲令以峻坊不自名而常竹帛以勸名華袞鈇鉞之辭亦君子之所以厲世磨鈍而成其亶亶者也故君子舉之必可書也書之必可庸也輪轅飾而可以行遠者其惟志乎余以謏聞蒲柳憂生桃蟲思步筆札之事失之久矣閒惟信古傳舊因人成事而樂邑者又吾父母之邦也民刊物恥幸際今令煦以深仁奉侍御寬民之規遵中丞畫一之矩拊循勸勤四載一日乃始喟焉懼於文獻之闕請之郡伯挈百五十載之墜緒授之鄙夫受命之日茫然靡依爰及諸儒除館西岑旁咨久之稍有端緒分卷而校夫旣成秩余特整

齊之耳然猶曠時累月始克成編吁其難哉蓋同事有狷介而靳名者則曉之以西山蹈仁之心有旁通而欲多與者則抑之以孝慈不改之義有退而自嫌者則宏之以鄒謹龜陰之書有雅而務簡者則開之以鼠坻牛場之利有綺而務斧藻者則弭之以棘猴木鷯之歎期於文正事核以副吾侯仁天下後世之心而已雖裘成眾腋而襪靡長綫能無挂漏衡決之虞哉觀者取節焉可也時隆慶壬申季夏之望江西布政使司左布政使邑人侯一元舜舉甫撰

翼志七書

二谷山人
近稿一

佚

自序書何以言翼志也樂清志旣成不逞者從而搖之則爲影響之詞以誣之雖有膠庠諸君子鳴鼓之攻與察院各道鈇鉞之詞而猶不已也夫誣余可也誣余親酷矣猶可也而誣一邑之書其可哉昔人有就

熏脣而不慍甘鬢則以成典者誠誼重於身也孟子曰豈好辨哉余不得已也非辭而翊之觀者能無眩乎哉是故兩造備而單詞始清矣雖然不以畏其志而徒以服其詞雖廓如乎猶吾愧也嗟乎是余之罪也夫是余之罪也夫萬厯元年暮春十日

二谷山人
近稿一

案二谷侯布政一元僉事廷訓子雍正浙江通志萬厯溫州府志宦業傳道光樂清縣志文苑傳並有傳所修樂清志林歲貢大椿有明槧本道光樂清志所載明以前事多本之歲貢卒後所藏書家人祕之不肯借人余未之見也其志人物傳後有論見道光樂清縣志在地志中頗爲軋例其攷證亦詳核在明代志乘最爲佳本千頃堂書目七載胡用賓樂清縣志七卷陸慶王申修卽此書用賓以邑令主修故誤題其名也

雍正浙江通志二百五十三乾隆溫州府

志二十
七誤同

平陽縣志

八卷

千頃堂
書目七

未見

自序夫彰往察來辨方類族以爲己則可興可觀以從政則推陳致新以博物則多識 受隨所酌而無弗盈者其惟史乎蓋自有名物以來方策所垂大抵皆史也自卜筮禮樂皆先王爲治之迹而後世之史亦有之以其陳常斯謂之經以其抒情斯謂之志而其有牖于民有裨于政則一而已夫自封建廢而列國之史亡于是乎有志而俗吏多急近功或藐焉而弗事或事之而挂漏而銜決顧惟斧藻其治前于後囑熏心乎虛美而闕略于故寔不幾于竅言乎哉余嘗同病子雲悔其少作屬以易言之責但焉內訟因矢勿爲屏筆且久一日平陽大夫少龍朱侯手其邑故新之志造余言曰竊聞君子之誌于言也若義之之誓仕

也不敢請矣雖然此國之故也而既具矣因而輯之以惠後人不亦可乎且吾太府張公碩人也下車未幾而仁覆五邑光之舉也寔請以來願毋辭余乃唯唯受而讀之則既具矣于是稍爲整齊次第述而不作既成視之曰志其庶幾哉是故觀于輿地而慎阨塞重河渠是鄧侯所以造漢史白所以流惠也觀于廡宇而思東野之馭焉則士苗之畜君也觀于食貨而思足寒之傷焉則尹鐸之寬民也觀于官師而思繩焉則蕭曹之規隨也觀于人物而思貢焉則燕相之舉燭也觀于秩祀而思志焉則重黎之非彝也觀于外志于藝文而旁通焉則子雲之鉛書子山之石語亦於是在焉吾聞朱大夫爲治甚廉而能平陽之政夫既咸秩而不忘乎國之故思有以貽其後人仁之屬也既序以歸大夫則大夫以憂去而視之成者乃我別駕萬公公之仁明當世鮮儷而斯邑乃得仍其休澤焉謂非厚幸哉于是乎書昔隆慶辛未十月既望

平陽縣志十九

朱東光序夫志徒紀述已哉固將經制軌事裨政庇民乎斯亦紐之史籍可以勸戒已方余釋褐而當今天子更化嚮意乎吏治則慎薪樞掄簡銅墨適余菲薄叨命是邦既至而見四野之廣饒五穀之蕃殖意其俗則柔剛之閒也曰是土膏而民愿者也宜易治徐而察之而寔不然蓋邑罹于寇困于賦漸靡于時余兢兢焉求其情問所疾苦以條利弊息耗至耳目所不及者則茫然莫余相也嘗慨以爲誠得志籍具備則披圖按紀流盼可盡清煖寒熱舉手救人以及我黎庶不亦利且易哉于是乎竊懷斯志而幸際諸當道上公咸仁閔威震規策保釐于時寇難既遠海瀕獲乂而我太府張公則湛思元元滲漉下邑余得以稟法思治爾氓亦可云小墜乃因暇日蒐羅故寔撫葺成編請于府公而就方伯二谷先生正焉蓋先生志文與道聞于國人無幾何則削繁刈浮緒正而事核爰屬季氏校付梓人夫既序述詳矣顧余以爲輿地解

宇食貨官師人物秩祀外志藝文八者皆政之迹而民之故也乃其要則在官師乎夫官師得其人則形勝足恃而風可移也述遵以時而農可富也其士也賢其祀也虔篤其寔而文可書也不然而或非其人則地不改也而四境駭政焉堂非不高也而向隅者有焉田非不腴也而耕穫者瘠焉俗習交偷民祇弗孚雖空文奚爲此迺余所以思昔賢俟來者語云不習吏視成事又云前事不忘後事師夫善者旣以惡吾弗逮也其不善者能勿懼焉肖之乎斯勸戒之誼已夫民瘼已深余非弗隱也而拙于療治斯志也譬之集古方書以俟後賢君子平陽之民其

庶永有瘳乎隆慶辛未秋日

平陽縣志十九

萬民華序昆陽有志其來舊矣浦城朱公踵而修之繼斯任者惟拊恤困窮休養生息是急于志之修均未遑也予暇時取卷展閱斷簡者十有四慨非全書徧求家藏久而未得今幸得之梓人舊本命工急刻以

永其傳或謂年深志舊官之美最當書邑之興革當覈不今之續久且湮矣予以勤政在己品隲在人公論在後世藉令飭浮誇之辭褒有

之美則悖表章先哲稽察民風增損時事不當其寔則謬名曰全書非信史也于志載奚裨焉予惟補其闕略而纂修之筆削之公以俟君子

平陽縣志十九

千頃堂書目七侯一元平陽縣志八卷隆慶辛未修邑人

案侯一元樂清人此誤

雍正浙江通志二百五十三平陽縣志八卷隆慶辛未邑令朱東光聘

邑人侯一元修

此亦沿千頃堂書目之誤

萬厯庚寅邑令萬民華補

乾隆平陽縣志十九平陽縣志八卷隆慶三十年令朱東光延永嘉侯

一元修

永嘉當作樂清

平陽縣志前志八卷萬厯庚寅令萬民華補遺重補

案萬志平陽縣志經籍門別爲一條以其敘覈之蓋以舊志覆刊略有增補未嘗別爲編纂今并附其敘於此外編不更錄其

目庶免淆惑

侯氏

一元

泰順縣志

八卷

千頃堂書目九

未見

甚哉故寔之有裨於治也是故紀事則先民程焉紀言則大猷經焉夫
自八書啟前十志踵後良史之後希復彬彬爛于文質余以其要在寔
錄而不爲贅言則幾矣今天下郡邑之志則古列國之史也溫郡五邑
惟泰順爲新造又最僻遠其民頽蒙夫邑新則前無所承遠則聲教難
挾頽蒙則人文不著而欲有所述固不易哉長人者不厯厯于一時之
功而欲有以遺其後人舍志則無可爲者矣余從臺中奉命來守茲郡
夙夜兢兢亦惟是求聞前人之故與凡民情土俗之宜視其已事而因
革之察民所便而調順之俾相安于無事斯已矣泰順故有志而其文

蕪瑣余無觀焉一日王令克家持其所輯新志請序閱之則更歷士大夫數賢之手而義例序述亦既燦然備矣余復奚言竊以爲提封千里有守守者吏民之本也疏壤百里曰令令尤親民者也然則助守宣化安土息民宜莫如良令良令旣得矣迺余心亦豈能一息而忘彼民哉坐一堂之上而照千里之外不出晷刻之閒而知百世之事則於志焉取之如王令者非真能助我爲理者耶泰順之事咸就注措又正其籍思以善後是故睹建置之故而得綏俗之要焉察息耗之數而得阜民之方焉詳興墜之事而得損益之宜焉覽風氣之異而得調劑之術焉孰謂仕政事而已而稽古禮文則一切未遑哉迺若保釐旬宣則本之三臺藩臬守巡諸明公之烈時際雍熙民載靈臺余所以得與諸令長寡過於天下者也敢不相勗期以有成因爲之序云爾萬厯元年歲癸酉孟夏月之吉日浙江溫州府知府楊邦憲撰

稗官氏曰余觀于泰順之志而知仁人之孳孳其民也傳有之曰視官家視民子直然哉蓋志也者志也余觀古今之變趨時之吏未有不傳舍其官鄙夷其民者也夫誠仁人也則天下孰非其家也中國孰非其人也而誠家也則何瘠而弗營也誠子也則何侗而弗穀也故夫治家而其田其宅其倉廩其禮節其行與事則舉有籍焉敝則改爲之焉而治邑也獨可仍陋而裕蠱乎哉吾溫五邑惟泰順最小地最僻事最簡民最醇凡吏于斯者廉如公綽無弗優也至東瀛王侯爲之則尤優優焉其若以兩牛之鼎之烹鷄也于是當路廉侯才侯常使剗五邑之劇車轍結于郡中方時清明兩臺暨守巡諸公布德于上而太府楊公承流于下循良之政光絕後先郡寮師師侯得靈承益以無事于是迺按其邑之志故多草略則一輯而新之又屬余及弟麟執筆而潤色之于是邑治燦然若指諸掌而侯之所以經紀其民者亦略可觀矣嗟嗟乎

思深哉其有仁人之隱憂乎夫始斯地也以阻壤也劇寇之所保也獷民之所歸也是故立之邑焉以闢治也而本之國之有寇也則有致之者也民之獷也有毆之者也故反政而由舊焉斯長治之術也而不然者則曩歲之莒岡寇又有保之者矣斯其明效也且五邑之民恃險阻而不賓者豈鮮哉又烏得盡畫疆而治之乎故有以聯屬之則四夷爲守而無之也則舟車敵國轂下羌夷彼吳子馬卿之言可毋念哉是故志之且以彰往且以鏡來斯王侯之心也夫仁人之心萬物一體者也故一毛之拔痛于膚一指之搐傷于心而謂泰順之治其可仍陋而裕壘乎哉夫以汲孺之忠蕭倩之賢也而薄淮陽下馮翊猶不免介然于外內崇庠之間也而猶汲汲焉若理其家而正其籍也斯不有隱痛者箝於其心而不可去哉是可書也而余兄弟不敏寔命焉將附驥而千里也其又能不喜且幸哉是爲序萬厯元年癸酉六月朔日郡人侯

一元換

雍正泰順縣志卷首

曩歲嘉靖乙卯余執役閩閩與王子光振偕有一日之雅嗣是往來燕
邸累與談當世務輒爽闊磊落不屑庸庸以隨世隆慶三載擢吾浙泰
順令果爾上下交孚聞望隆洽余益嘉其與疇昔相許者爲不左然而
未得其詳萬厯癸酉春予遊雁蕩抵甌城光振亦適以公務至邀余遊
覽仙巖徘徊舊話已迺出所修縣志彙示余并乞一言以附于志予閱
之其事核其文炳其義精矣夫復何言余惟方今海內郡邑或無志而
創與志久而重輯者何限顧志特記事之跡云耳修之者必端其本而
後可以信可以傳世固有炫華藻以美觀聽而卒無當于寔用者有治
無善狀而徒托文人以爲重者甚有假修志以文其奸者始若煌煌簡
冊而未幾卽束之高閣祇以來有識者之誚所謂輪轅飭而人弗庸者
非耶迺今泰順志其庶矣乎自光振來令茲邑廉以律己儉以省費恕

以明刑崇學校行鄉約以移風復巡司封礦洞以防寇諸凡利民者罔不殫力圖維至如民舍偶起妖氛必爲之躬虔祭告務令奠居迺已其一念勤懇爲民之心歷三載猶一日卽父兄之于子弟何加焉而民亦依然直以父兄視之猶之血氣周流一身無一息不相貫通者也無論本邑凡各邑紛劇諸當道咸借理之而光振曾無二心一日余寓僧舍光振訪余出秀有鄉民嘖嘖私語曰好父母好父母余詰之渠曰吾爲永嘉邊海農向苦船稅重尤苦無船之稅賴王侯理艘事廉知其弊亟爲力陳當道無船之稅始豁而每船亦減稅若干民用生生去將紀之以石諺有云路人口是碑詎不信然詎不信然此固一野史也志所不及載而寔志之本也精神心術發于事而寓于志後之令覽斯志而想見其風采能不惕然省油然興起乎志而信信而傳傳而大有裨于治徒志云乎哉光振拜手稽首曰泰民之靈諸當道之綱紀輯綏也克

家何力之有泰志之成侯大夫昆季及諸賢之釐正討論也克家何知之有余謂持是心而不倦推之天下可也遂直述其事以綴諸末簡云

萬厯癸酉季夏月吉池州知府尹士龍撰

雍正泰順縣志卷首

泰順巖邑也景泰初始創之舊有志嘉靖以來迄今越四十餘載政事之興革財賦之損益戶籍之息耗風俗之漓漓吏治之良否人才之消長精祲之靜盪勢移事易而歲不同矣志其可以已乎余令茲土亦且三載上則恪守聖明之法中則遵踐循良之故下則講求斯民之瘼雖以余之拙而爾氓亦且安余迺者海波晏如桴鼓弗作則由我大中丞方公之威德代巡蕭公之激揚暨守巡徐公華公之保釐詰兵文武維憲而我太府楊公之敷治甫數月也五邑歸仁一時百執事莫敢不其遐邇底定余亦獲以稟法于于政暇則舉邑之故屬鄉大夫士張君慶暘毛子一蘭胡子良工釐輯成帙曰輿地曰廨宇曰賦役曰祀典曰官

師曰人物曰襍志曰藝文凡八卷若干言既成以請于方伯二谷侯先生暨其季舜昭氏訂正刪潤甫逾月而吾泰之志亦遂斌斌乎其告成矣不佞敢無一言以諗同志哉竊以爲志者匪徒辭焉已也蓋觀于輿地而思今昔險夷之異安危之機不可以不辨也有輿地而後有廨宇是故居其居則思理其人理其人則莫急於平賦輕徭者矣如何而厚下安宅如何而浚泄崇垣也而可弗圖乎明則人幽則神事不同而理同也於是乎有祀典而今昔之職是者舉可察矣其廉墨也而民之腴瘠係焉其能否也而民之理亂係焉而後來之法戒咸于是在矣出則仕處則士斯受之以人物焉而昔之賢傑則今之茂才之所導而先路也可弗勗乎襍志者諸志之遺也藝文者諸志之闕也是故米鹽纖務疏列條附阨塞疆壤開卷指掌迺若德教則有時乎先於法保障則有時乎豫於兵何也亦猶犯險阻之託乎犀車良馬而絕江河之資乎輕

舟便檝也取其急務而已夫余披之故牒訊之父老而得舊令尹之忠
于余者不淺也余其柰何墮舊令尹之績而弗續之以告鼎來之令于
斯者乎覽斯志者庶知余之非敢僭也云爾萬厯癸酉七月朔日知縣
王克家撰

雍正泰順
縣志首卷

千頃堂書目七侯一元侯一麟泰順縣志八卷萬厯癸酉修樂清縣人
雍正浙江通志二百五十三泰順縣志八卷萬厯癸酉邑令王克家延

樂清侯一元侯一麋修

案癸酉爲萬厯元
年府志作癸丑誤

東甌詩存二十四侯一麋字舜昭一元弟著有龍門集

案萬厯泰順縣志泰順林縣丞用霖語余曰邑中某氏舊有藏
本今歸他姓不知尙可物色否

何氏格沂州志

四卷

千頃堂書目七天
一閱書目二之二

温州經籍志

卷十

天

未見

自序州有志遵制書也君肇之綱其言簡以宏臣疏之目其言析以核
古制也謹案大明一統志之志京師也分類有六曰壇廟曰山陵曰城
池曰苑囿曰文職公署曰武職公署其志天下府州縣也分類二十有
一曰建置沿革曰郡名曰形勝曰風俗曰山川曰土產曰藩封曰公署
曰學校曰書院曰宮室曰橋梁曰寺觀曰祠廟曰陵墓曰古蹟曰名宦
曰人物曰流寓曰列女曰仙釋不書城池壇廟俾凡紀述之臣例京師
也臣竊師其義以志沂州也於類二十有一中補附十有六曰星野量
天分地休咎攸司謹於郡名下附焉曰疆域天朝割制屬之守臣謹於
風俗下附焉曰丁田賦役歲時不愆用稽勤施附於土產曰帝王曰后
妃藩封類也謹附其下曰職官名而不紀清議存曰附於公署曰科貢
譽髦斯土邦家之楨曰坊市俊民用章表厥宅里曰兵防天下文明祇

修武備附於書院曰外傳道不加修潰於中路曰災祥守臣之應曰別傳人道之變政爲之機曰藝文曰遺文東魯文獻具在也謹附仙釋下終焉合之凡爲類三十有七非敢作也君肇綱臣疏目也

慎江文徵三十三

案府字誤增明時沂爲州

屬兗州府

萬厯溫州府志十嘉靖甲午舉人何格瑞安人應天中式任沂州知縣

王氏叔果永嘉縣志

十卷

千頃堂書目七。乾隆永嘉縣志二十三作九卷

未見

自敘古者諸侯之邦必有史今邑之疆域視古侯邦庶務叢焉民風吏治人才出焉志以紀之其史之遺乎志與史體殊而用一是故其事貴核其辭貴雅其義貴正而嚴匪是則眩眾敦觀而不足以鑒省奚取於

志哉永嘉爲附郭邑宋元以來代有述者率統於郡志嘗見太平謝文肅公有永嘉志序而未睹其書吾鄉王文定公宏治閒作郡志迄今踰六十載其閒人事世變夥矣雖嗣有纂輯亦多廢而不傳予家食頃暇懼文獻無徵欲有效於鄉邦而友人王拱甫氏則嘗受郡公之命從事於茲而未就緒爰相與續訂別爲例作九志不啟局煩餽不使眾聞知假館於白塔僧舍屬兒輩編輯書成乃質於鄉達諸公以祈是正顧詞義蕪陋且多所僭踰竊懼不免於數而微罪焉爾邑侯程景山公覽而善之曰吾聞入國問俗學古入官是編固政之紀也豈惟文獻攸徵哉請屬諸梓人以爲從政者鑒焉遂畀之

乾隆永嘉縣志二十三

程文著敘古者列國各有史官皆茂選時獻如晉董狐楚左史倚相之倫是以春秋之書概多寔錄仲尼得因爲經以垂教戒自郡縣之制興咸總於朝廷而外史無專職碩人瑰士迺始因漢八志爲省郡州縣等

志職非世守任不盡賢於是有菱蔓紛華樸陋無彩制作紛紜而醜好始多類矣箸承乏永嘉至則求舊典而考民風時鄉先生憲使西華王公適有新編既三閱歲始得受而卒業則歎曰秩然有序粲然有文若斯志也可以語不朽矣夫志以地肇故首輿地地有沿革故次建置治以生民故次食貨民非神莫主非官不治也故次祠祀次秩官於是乎制科立而賢俊興焉故次選舉次人物卽復有當志而非其正者則以外志襍志終焉夫序者申厥緒者也非序則端弗明論者闡厥義者也非論則微弗顯贊者敷厥善者也非贊則美弗彰九志陳而三制備夫然後故寔明而鑒省昭矣故曰若斯志也可以語不朽也雖然予竊有大懼焉夫志莫非予事也今旣三年矣風俗增偷則媿輿地學志不宏則愧建置催科政拙則愧食貨民福未臻則愧祠祀宦蹟不著則愧秩官若其選舉人物之彬彬者固山川之毓奇而昔賢之教在也曷足以

追余責哉予行有日弗可追矣謹序刻之以俾後之君子

乾隆永嘉縣志二十三

乾隆永嘉縣志二十三永嘉縣志九卷嘉靖丙寅邑人廣東按察司副使王叔果修邑令程文箸刊

案西華王副使叔果萬厯溫州府志理學傳雍正浙江通志乾隆永嘉縣志儒林傳並有傳